

列傳


諸臣

諸臣
傳

高麗史

五十九

卷之六



列傳卷第三十一 高麗史一百十八

正憲大夫工曹判書集賢殿大提學知經筵春秋館事兼成均大司成臣鄭麟趾奉

教修

趙浚

趙浚字明仲侍中仁規之曾孫自幼儻有

大志恭愍王在壽德宮望見浚扶書過宮前

召見奇之問其家世即命屬寶馬陪指諭王

使洪倫輩強辱諸妃浚歎曰人道滅矣復奚

言哉且王以威福與奪常與群小謀而不及

君子今日之勢岌岌乎殆哉毋吳氏嘗見新
及第綴行呵嗚歎曰吾子雖多未有登第者
何用哉後聞之跪泣指天誓曰予所不第者
有如天自是勤學遂登第辛禍初心通禮門
副使出按江原道威惠並行至旌善郡有詩
云滌東蕩溟當有日居民洗眼待澄清識者
知其有大志召拜司憲掌令轉監門衛大護
軍知製教撰祈禳疏云疎正直忠信之人抑
諂佞譖邪之後知申事金濤代言朴晉祿金

湊曰王若問正直忠信而踈者何人諂佞譏
邪而狎者何人則何心對令浚改撰遂白禍
誥院所撰宜令書題宰臣監申然浚判可禍
從之果遷典法判書時倭奴充斥慶尚道陷
為賊藪州郡駭然民皆奔竄山谷國無紀綱
將帥玩寇環視不戰賊勢日盛都統使崔瑩
舉浚為體覆使浚至召都巡問使李居仁數
其逗遛之罪斬兵馬使俞益桓居仁及諸將
股標曰寧死敵莫犯趙公威威力戰告捷一

道賴安浚又上書都堂旌表孝子烈女之死
賊者擢密直提學商議都監事禍召浚
曰楊廣慶尚道倭賊大熾元帥都巡同使
慎不戰卿其往察軍機浚曰臣母年踰八十
又罹沉病乞遣他人禡曰卿正直無私且有
威望無以易卿浚曰殿下若命臣全制兩道
其將帥逗遛敗績者聽臣區處則臣謹奉命
不然元帥都巡同使位在臣上豈畏臣就死地
乎將帥族黨忌之白禍止之倭寇江陵交州

道以浚為都檢察使賜宣威佐命功臣號褐
荒淫無度權姦當國忌浚亢直不阿浚杜門
不出以經史自娛者四年瑩誅林廡浚方居
毋憂起為簽書密直司事浚辭不起浚嘗憤
王氏純嗣與尹紹宗許錦趙仁沃柳爰廷鄭
地白君寧結為友密誓有興復之志我
太祖見浚器宇不凡與論事大悅待之如舊
識及回軍舉為知密直司事兼大司憲事無
大小悉咨之浚以經濟為己任知無不言

先是田制大壞兼並之家奪占土田毒痛日
深民皆怨咨我

太祖與後鄭道傳議革私田後與因列上疏
辛昌極論之語在食貨志舊家世族交相謗
毀執之愈固都堂議利害侍中李穡以為不
可輕改舊法持其議不從李琳禹玄寶遼安
烈及權近柳伯湍附穡議道傳紹宗附後議
鄭夢周依違兩間又令百官議議者五十三
人欲革者十八九其不欲者皆巨室子弟也

太祖卒用汲議革之未幾世臣巨室動浮言
欲復之汲又上疏論之諫官吳思忠李舒李
導等亦以為不可復上書固爭汲之汲又率
同列條陳時務曰謹按周禮天官冢宰以卿
一人掌邦之六典以佐五汜邦國其司徒以
下各以其職聽屬焉而六卿之屬又有三百
六十是則三百六十之屬統於六卿而六卿
又統於冢宰也官職之增損名義之沿革代
有不同大義不出乎此六部也洪惟我太祖

用國之初設官分職置宰相以統六部置監
寺倉庫以承六部甚盛制也法久而弊為典
理者不知選舉而流品濫為軍簿者不典兵
額而武備弛至於戶口之盈縮錢穀之多寡
獄訟之無章盜賊之不理為版圖典法者漫
不知為何事禮儀之禮典工之工果能各舉
其職乎蓋六部百官之本而政事之所出也
本亂而未治者未之有也於是百僚庶司渙
散無統不務庶績名存而實亡雖君相憂勤

而政事之修舉其亦難矣臣等願以六典之
事歸之六部以各司不屬乎六部宰臣自侍
中已下以次判司事密直又以次兼判書提
綱於上以奉詔為六部判書領諸部及所屬
攸司各以其職聽命於下大事則六部即小
事則六色掌以時奉承行移如是則簡以制
繁卑以聽尊上下相維大小相統如綱舉而
目張領挈而裘順君相優遊於上而百職奔
走於下教令易行政事易舉也人主之職論

相而已宰相之職進君子退小人以正百官而已相得其人則天下理矣况一國之政乎周召太公文武成康之相也蕭曹房杜漢祖唐宗之相也本朝之制中書則曰令曰侍中曰平章曰叅政曰政堂五者法天之五星也樞密之七則法天之北斗也宰臣樞密之合坐始於事元之初至于近代都堂與國政坐者至六七十人官職之濫古未有也願自今非論道經邦處理陰陽正己以正百官者非

清白忠直疾惡好賢國爾忘家者非戰勝攻
取勇冠三軍威加殊俗者不許兩府漢之光
武以天下之廣四海之富減損吏員十置其
一以致中興之理凡不急之官雜冗之吏一
皆汰去以復祖宗代天設官之成憲以示盛
朝推新之化六寺七監本無判事近來又階
通憲奉詔不親視事曠官廢職坐費天祿願
自今陞通憲奉詔之階者如有材幹者降其
階使親其職新授者不許階奉詔通憲春秋

書天王使仍姑之子來聘夫子蓋傷夫周家
以父兄之故官其幼弱之子弟尸天祿而曠
天工也我文廟三十有八年之理蔚有太平
之盛者以其所用皆老成之人也願自今公
卿士大夫幼弱子弟不許拜東班九品已上
官其有冒受者罪其父兄糾正職察百官為
人主之耳目凡祭祀朝會以至錢穀出納悉
皆監檢秩卑而責重願自今令臺諫薦舉以
授其職陞其秩於正言之次以振紀綱守令

近民之職不可不重近日所除守令頗有士
林所不知者願自今非經顯秩有名望者非
歷試中外有聲績者不許除授其田獵宴飲
之事一皆痛禁監務縣令職又近民近世仕
出多門人恥爲之乃以府史胥吏不學墻面
之輩以毒于民願自今以臺諫六曹所舉有
才幹者遣之陞階叅官以重其任諸安集一
切罷之其府史胥吏之徒只除權務之職其
公私奴隸州驛吏工商雜類冒受官職者請

許憲司不論官品皆奪其職供驛署專掌八
道之驛近年不生公廳而在私家行移文牒
凡以權勢豪強之托親戚朋友之請乘駟駟
而率郵吏者絡繹不絕驛卒凋殘職此之由
願自今以供驛署屬軍簿司凡馬匹驛卒據
都堂文字方許發遣司僕掌乘輿之馬政周
之伯冏之任也親近左右其選最重近代別
立內乘內監之徒專擅其職日者縱暴尤甚
其收芻藁也劫奪萬端輸轉入城也農牛瘡

仆殘破畿縣毒沅諸郡一州之內穀草之價
布幾至九百匹州郡皆是而又驅其負戶名
為驅吏至千百人不付公籍私置農莊而役
使之若奴隸然害民病國甚可哀痛願自今
以尚乘屬之司僕寺不許內豎除授謹擇廉
幹者任之更日入直凡其蒞豆身親量給畿
內芻彙計馬定數分月而供且使糾正監檢
每一番置敎醫五人驅史三十人餘皆罷之
屬之府兵凡都監有事則置無事則罷例也

造成都監初因宮闕之作而置役以繕工之
職歸之使管一國材鐵之用遣官吏而煩驛
騎竭民財而盡其力一木之曳至斃十牛一
爐之治至廢十畝一束之麻一把之葛至費
十布取之於民也剝膚槌髓用之於私也如
泥如沙願罷都監屬繕工寺并罷防禦火桶
都監屬之軍器寺慎揀廉直者官之且使糾
正監檢以壺串宮闕之材瓦被罪籍沒之居
室兩江之材諸窰之瓦供諸營造凡所木陶

尾之役且停三年以休民力都城根本之地
風化之所先其民衛王室而已近來教養無
法奸詐相習力役煩重日就凋弊願罷都摠
都監將五部屬之用城府每一里擇孝老有
學者為社長依黨序之法教養子弟其賤人
及工商子弟各事所業毋使群戲街巷以長
浮薄之風違者罪社長及父兄其都官官司
倉庫奴婢及近日誅流人祖業新得奴婢令
辨正都監皆誅口成籍毋使遺漏每有土木

營繕之役賓客佛神之供皆以役之其於坊
里雜役一皆除去以安其生以衛王室李仁
任專擅威福踰二十年罪盈惡積幸天強之
願削官爵不賜謚誅以德為惡之人貞烈公
慶復興清白自守為仁任等所遜卒於貶所
願賜教書弔祭其墓侍中李子松庶謹守節
死非其罪國人惜之願賜謚誅厚恤其家祖
宗衣冠禮樂悉遵唐制迨至元朝歷於時王
之制變革從我上下不辨民志不定我玄陵

憤上下之無等赫然有志於用夏茲夷追復
祖宗之盛上表天朝請革胡服未幾上賓上
主繼志得請中為執政所改殿下即位親服
華制與一國臣民渙然更始而尚猶不順其
品制以梗惟新之政願令憲司定日立法其
不溢令者一皆糾理近年奸凶相次執政隨
賄厚薄高下其官視其滋違殺活其人士風
一亥朝夕奔走於權門虛曠天工願令攸司
各以新猷決詔之事當兩衛日上之各司日

坐其司視事其有奔走權門不供其職者停
職微祿刑無定法內外官司出入由己今典
校一官皆文學之臣無他所掌願委剛定刑
書以惠萬世又中外官司相接之節文書相
通之格亦使剛定頒行古者風淳俗厚詐偽
不生百官謝牒堂後官署之世道日降奸詐
日滋近來上將軍已下令軍簿司印之奉詔
已下典理司印之防詐冒也今都評議使移
文中外官司者皆出納錢穀殺生成福發號

施令等事所係至重而使一錄事署名非通
復防奸之道也願依印朝謝之例凡都堂文
牒必令印之舊制下玉牌於諸倉庫官司必
印以行信寶今內監獨署其名亦非所以防
奸也願凡所內用令都評議使供之母下王
牌以塞內監盜竊之源士大夫於聽訟決事
之官出納錢穀之司交通私書顛倒是非耗
竊官物其弊彌甚願一禁止切如有違者其
請與聽者以不慮論各司各成衆愛馬之求

索外官之贈遺一切禁止如有違者亦以不
廉論古之民年十六為丁始服國役六十為
老而免役州郡每歲誅口籍民貢子按廉按
廉貢子戶部朝廷之德兵調役如指諸掌近
來此法一毀守令不知其州之口戶按廉不
知一道之戶口當徵兵調役之際而鄉吏欺
蔽招納賄賂富壯免而貧弱行貧弱之戶不
堪其苦而逃則富壯之戶代受其苦亦貧弱
而逃矣其任徵發者積鄉吏之欺蔽痛加酷

刑剝耳剝鼻無所不至鄉吏亦不堪其苦而
逃矣鄉吏百姓流亡四散州郡空虛者戶口
不籍之流禍也願今當量田審其所耕之田
以田多寡籍其戶為上中下又戶分良賤守
令貢子按廬按廬貢子版圖朝廷凡徵兵調
役有所憑依及時發遣而身令按廬如有違
者輒繩以理諸道魚鹽畜牧之蕃國家之不
可無者也我神聖之未平新羅百濟也先治
水軍親駕樓船下錦江而有之諸島之利皆

屬國家資其財力遂一三韓自鴨綠以南大
抵皆山肥膏之田在於濱海沃野數千里陷
于倭奴蕪葭蔽際天國家既失魚鹽畜牧之利
又失沃野良田之入願用漢氏募民實塞下
防凶奴故事許於亡邑荒地開墾者限二十
年不稅其田不役其民專屬水軍萬戶府修
立城堡屯聚老弱遠斥候謹烽火居無事時
耕耘魚鹽鑄冶而食以時造般寇至清野入
堡而水軍擊之自合浦以至義州皆如此則

不出數年流亡盡還鄉邑而邊境州郡既實
諸島漸次而充戰艦多而水軍習海寇遁而
邊郡寧漕轉易而倉廩實矣水軍萬戶諸道
元帥能置屯田修戰艦結人心施號令滅賊
安邊者賜之島田食其入世傳之子孫其失
一城堡三州郡者處以軍法毋得輕宥以
示勸懲全羅慶尚楊廣三道貢賦之所出國
家之腹心也今倭奴橫行攻陷我州郡蹂踐
我禾稼殺戮我老弱奴婢我丁壯而擁旌節

者嬰城竄伏莫有圖志賊日勢熾願令大舉
及時掃清西北一面國之藩屏頃者奸宄擅
國廣置私人元帥萬戶加於舊額州郡供額
不貲民不堪命相與流亡願自今擇文武兼
備威望夙著者每一道元帥一人上副萬戶
各二人餘皆罷之商賈之後竟托權門以干
千戶之任侵漁掊克靡所不至願自今令其
道元帥擇威惠為民服信者除授之母數易
置權勢之家竟為互市貂皮松子人參蜂蜜

黃蠟米豆之類無不徵歛民甚苦之扶老携
幼渡江而西可為痛哭願自今抑買者一切
禁止如有違者痛繩以法前此被罪奸免之
徒抑買之貨其在民間未畢收者宜令刷括
以充官用其鷹鷄貂皮之曲獻乞皆痛禁禾
尺才人不事耕種坐食民租無恒產而無恒
心相聚山谷詐稱倭賊其勢可畏不可不早
圖之願自今所居州郡課其生口以成其籍
使不得流移授以曠地俾勤耕種與平民同

其有違者所在官司繩之以法昌下其書都
堂又上書陳時務曰古之為國者必先立紀
綱國之有紀綱猶身之有血脉也身無血脉
氣有所不通國無紀綱令有所不行法令不
行國非其國矣殿下即位大開言路相臣憲
臣各陳時務然舊弊甫革新法不行怨讟方
興紀綱紊亂病自血脉達于膏肓雖有扁鵲
亦難治也願自今判付法制刊板施行堅如
金石信如四時敢有犯法觸禁者一委憲司

治之謹按寢園署禮文凡與祭者不飲酒不茹葷凡四日是謂散齋或在於本司或在於尚書省齋明端坐致其誠敬凡三日是謂致齋今則不然諸執事者自散齋至于致齋之日各於其家或與婦女狎處且不習禮文故其裸獻登陟贊謁奠徹皆不合度甚不敬也其於殿下報本追遠之意為如何哉願自今凡與祭者散齋四日在於其家則令俾正監之正順已下令錄事察之致齋三日則集於

公所以習禮文以致誠敬違者以不敬論亦
朝樂節凡宴饗賓客必用唐樂繼以鄉樂今
娼妓歌舞聲音之節終不合於中和殊失禮
樂之本謹按朝廷儀注其視朝宴饗只使伶
人按樂而娼妓不與焉願遵此法宮中宴饗
只奏唐樂毋令娼妓近前南州之民近因兵
亂板蕩失業又因水災禾穀耗損咸不聊生
誠宜培養邦本俾不搖動各道既有節制使
又有觀察使徵兵調役紛擾如虞民不堪若

其節制觀察使外諸奉使者一皆召還士大夫之仕宦于朝者既已委質後仕克勤乃職固分也其今則不然顯官任職者託以覲親上冢冒干口傳使歸鄉田淹延歲月曠官廢職非事君敬身之義願自今父母奔喪外不許出國外其事有不獲已者必辭職然後乃行違者痛理州縣之吏在京都典掌其鄉之事曰其人法久弊生分隸各處役之如奴隸不堪其苦至有遁亡者主司督京邸主人日

徵贖布人一匹稱貸於人而不能償之直趨
州縣倍數贖徵縱暴侵掠州郡凋弊之或由
此項者繕工寺日徵其人贖布以供無名之
費至不仁也既不能當其任以供其州之事
又不能用其人之力以供國役徒剝民膏而
用如泥沙斷喪邦本殊失殿下憂民之心也
願自今一切罷去使還鄉里其各殿之役以
近日革罷倉庫奴婢代之各司之役使者亦
以辨正都監所屬奴婢充之司役幕士注選

之屬亦皆革罷以安民生尋知門下府事仍
兼大司憲賜推忠勵節佐命功臣號後我
太祖定策立恭讓典罔列上疏曰賞罰國之
大柄也有功而不賞則人無以勸有罪而不
罰則人無以德守文之主猶然况殿下中興
之初政乎我國家自太祖統三以來聖子神
孫繼繼相承至于玄陵不幸絕嗣祖宗艱大
之業歸于辛氏國統中絕王氏之廟不得血
食者十有六年民怨於下神怒於上守侍中

李太祖諱出萬死之許奮其忠義與一二大夫

定大策戴殿下入承大統克紹前烈三綱九

疇既敷而復叙天命人心既去而復留雖平

勃之安劉氏張秋之。唐室復豈能加於此乎

誠宜特加殊禮賜劍履上殿贊拜不名賜之

茅土宥及十世立闕圖形以報太功則後之

為善者知所勸矣魯國大長公主玄陵之配

也而以偽后韓氏為配以忝宗廟宜亟撤之

且韓氏之懿陵禍昌之胎藏亦宜掘破以雪

神人之憤其勢是憑濫加官號若沔城黃驪
固城禮安諸郡一皆降從本號其妃曰謹曰
懿曰淋曰憲曰安曰寧曰靖曰賢曰善諸妃
及諸翁主無論貴賤以一時之寵愛皆封爵
賜印內帑珍寶錫與無筭願令彼司叔印章
徹其珍寶以還內府其有係公私之賤者各
還本役諸妃翁主之父母兄弟濫入樞省或
至府院君封國大夫人翁主宅主者亦庸收
其爵牒其中憑勢逞惡者流竄遠方則後之

為惡者知所懲矣苟賞罰不明則紀綱不立
而無以興善理矣王皆允之又上疏曰東方
自朝鮮之季離為七十合為三韓于戈爛熳
而尋相生民之肝腦塗地者歷兩漢三國六
朝隋唐迄于五代而未息我太祖受命起而
極之躬擐甲冑櫛風沐雨南征北旆始成一
統垂五百年于茲矣間者偽辛盜國宗廟絕
祀殿下新紹三十一代中絕之統三韓億兆
之民摧欣拭目以望殿下中興之理殿下

身皇天上帝之所眷命太祖列聖之所付托
山川鬼神之所依歸百萬生靈之所寄命崇
高之極有甚於萬仞負荷之艱有萬於泰山
一言之出如雷霆之動於天而三韓莫不聞
一事之行如日月之出於天而三韓莫不覩
敬之一字帝王所以作聖之基公之一字帝
王所以致治之本願殿下上畏皇天之鑑臨
下畏億兆之瞻仰賞一人則恐不合於上帝
福善之心罰一人則恐不合於上帝禍淫之

鑑衆况而後賞衆棄而後刑弊袴必藏一笑
必惜命一官則曰斯人也果君子而可以理
天工可以養天民而天不罪我乎潛邸之舊
畏上帝而不敢私以賞戚里之親畏上帝而
不敢私以爵勤咨訪以廣其聰明好學問以
崇其德業接群下以禮奉母后以孝去邪勿
疑令出必行處九重則念吾民之不庇於風
雨御八珍則念吾民之不足於糖糠服輕煖
則念蠶婦之赤立而法大禹之惡衣臨宴享

則念農夫之餓莩而驥隨文之一肉崇儉戒
奢節用愛民樂直言而惡面從親君子而遠
小人夫極言不諱面折廷爭無小回互知有
社稷不知有其家者君子也殿下親之信之
則克舜之理可坐而致太祖之業可繼而興
矣姻亞必欲進息怨必欲報聞百姓之疾苦
則恭然曰何與於吾身見人主之過失則默
然曰口是禍門也唯行諂佞以盜富貴知有
其家而不知有社稷者小人也殿下悅而庸

之則集付之亡可立待而太祖之業不旋踵
而敗矣二帝三王莫不由學精一執中克舜
之學達中達極湯武之學也願殿下擇鴻儒
之通經史正術心者更日入直討論經史高
擢治道以成緝熙光明之學且令史官更迭
侍側左言右事無不悉書以詔萬世又為世
子用書造以當世大儒為師傅經明行備之
士為僚佐朝夕典居講明經籍以明端本澄
源之學且府兵領於八衛八衛統於軍傳四

十二都府之兵十有二萬而隊有正伍有尉
以至上將以相統屬所以嚴禁衛禦外侮也
自事元以來昇平日久文恬武嬉禁衛無人
乃於近侍忠勇皆設護軍以下等官以代禁
衛之任而祿之於是祖宗八衛之制皆為虛
設徒費天祿而其巧達赤速古赤別保等各
愛馬寒暑風夜勤勞甚矣而不得食斗升之
祿而食四十二都府五負十將尉正之祿者
非幼弱子弟即工商賤隸或食其祿而曠其

職或勤於王事而不得食豈祖宗忠信重祿
之意哉伏願殿下併近侍於左右衛併司門
於監門衛併司楯於備巡衛併忠勇於神虎
衛其餘各愛馬以類併於諸衛使之輪日入
直考其勤怠各以其衛內護軍以下至於尉
正之職隨品錄用使食其祿而勤其職則人
樂仕而國祿省禁衛嚴而武備張矣司幕古
之高舍而今之司設也司饗古之高舍而今
之司膳也今則司設食其祿而廢其職司幕

勤其事而不食祿司饗以下之職也然願以
司幕司饗等愛馬併於六局以復先王之舊
以革近代之弊則名實相稱而職事立矣非
有功不俟我朝之法也金侍中富軾刺除僭
亂平定西都進封樂浪侯金改丞方慶伐叛
耽羅問罪東倭得封上洛公願自今宰相非
安社定遠功臣毋得封君宦官自國初至慶
陵朝不得忝官近來以官中傳命之任得與
論道徑邦之列非所以尊朝廷也願自今宦

官除授遵慶陵之制不許拜朝官又軍器繕
工務劇負少請以上大將軍郎別將為兼判
事注簿等。如此則官祿不費而事功舉矣其
務煩寺監倣此兼攝庶便於公學校風化之
源國家理亂政治得失莫不由斯近因兵興
學校廢弛鞠為茂草鄉愿之托儒名避軍役
者至五六月間集童子讀唐宋人絕句至五
十日乃罷謂之夏課為守令者視之泛然勇
不介意如此欲得徑明行修之士以補國家

之盛理其可得乎願自今以勤敏博學者為
教授官分遣五道各一人周行郡縣其馬匹
供億並委鄉校主之又以州郡閑居業儒者
為本官教導而令子弟常讀四書五經不許
讀詞章而教授官巡視一道嚴立課程身自
論難考其通否登名書籍誘掖獎勵以成實
材其人材衆多有成效者擢以不次若不能
教誨而無成效者亦將論罰孟子曰不孝有三
無後為大以其絕祀也故古者父母終既

葬於野虞而安神廟而祀之此事止如事存
之道也吾東方家廟之法久而廢弛今也國
都至于郡縣凡有家者必立神祠謂之衛護
是家廟之遺法也嗚呼委父母之屍於地下
不為家廟而祀之不知父母之靈何所依乎
甚非人子之心也但習以為常未嘗致思耳
願自今一用朱子家禮大夫已上祭三世六
品已上祭二世七品已下至於庶人止祭其
父母擇淨室一間各為一龕以藏其神主以

西為上朔望必奠出入必告食新必薦忌日
必祭當忌日不許騎馬出行對賓客如居喪
禮每歲三令節寒食上墳之禮許從俗禮以
厚追遠之風違者以不孝論傳曰忠信重祿
所以勸士也是以古者上自公卿下至胥徒
莫不重祿凡仕於朝者未嘗涉意於營私專
心乎公務自高強魚併以來租稅日減祿秩
歲縮先王制祿之數徒為文具直令有司參
酌古制豐其祿秩則士有恒心而廣取可興

矣嘉猷八縣徭役甚煩然非正官之所統觀
察之所理又無守令之宣化故科歛不均賦
役無藝民不聊生無所控告願自今依各道
例縣置五六品官使用城府考績以明黜陟
近年以來將兵之任不問其才但任宰相則
率命遣之節制失宜賊勢益張以致侵掠郡
縣蕭然古人謂君不擇將以其國與敵將不
知兵以其主與敵擇將制倭誠今日之急務
也願令都評議使臺諫各舉盛德夙著者命

焉將帥以申軍政且軍政多門則號令不肅
今一道三節制殊非古制願自今東西北面
外每一道只遣一節制餘皆罷去兵者民之
司命國之大政所以衛王室而消禍亂也本
朝五軍四十二都府蓋漢之南北軍唐之府
衛兵也遼金氏搆壤兩界立晉帝而子之虎
視天下求好於我而我太祖絕之虜遼宋三
帝威振四海而莫敢旁窺式至于今者以祖
宗之軍政得其律令也近世兵制大毀用兵

三十餘年軍政無統心無術之將戰不教之
民望風奔潰千里暴骨蔽爾倭奴為國之病
可不為痛心哉願自今用教四品以上屬之
三軍軍置將佐五品以下屬之府衛而統于
軍簿使上下相維體統相聯軍政出于一衆
心統于一然後申明軍令訓練士卒則百萬
之衆如身之使臂臂之使指何守不固何攻
不取哉近。臣。奸亂政世材非將帥者布列重
房百戰勤勞者方除添設賞罰無章軍士解

體所至無功願自今其有推堅陷敵之功斬
將擐旗之勇百戰勤勞之效者大則上護軍
次則護軍中郎將以至別將散負皆受真差
以獎破賊之功則人皆親其上而死其長矣
且近日舉義拔亂之時從事于軍者亦加官
賞以勸後人國家選觀察使擇任守令撫綏
五道獨東西北面尚循舊習未霑王化願自
今依諸道例置觀察使巡行郡縣點陟軍民之
官近來驛戶凋廢凡鋪馬傳遞知路指路之

役州郡代受其苦心至沅江欲使州郡復業
當先恤驛戶國家雖置程驛別監安集諸驛
而一人不能獨理每驛置私屬以為耳目然
非都堂所遣人人得以侵侮不能安集願自
奉每驛置五六品丞一人其薦舉如守令例
且給半印而遣其有欲致驛戶殷富駟騎蓄
盛者觀察使報都堂以補守令之闕且授京
官以示褒賞邊遠驛丞令觀察使舉補常平
義倉之法救荒之長策取壽昌義倉之奏長

孫平社倉之議其法蓋出於周官委人之職
有國家者所當先務也去歲盛夏興帥加以
倭寇耕種愆期收穫失候今年又被水災東
南州郡蕭然赤立救荒之策不可不慮也國
家既革私田所至皆有蓄積願自今郡縣皆
置常平倉其豐凶歛散之法一依近日都評
議使所奏竊聞揚廣道已置常平倉宜令諸
道依此施行守令有不如法者罰之食為民
天穀由牛出是以本國有禁殺都監所以重

農事厚民生也。韃韃禾尺以屠牛代耕，食西
北面尤甚。州郡各站皆宰牛饋客，而莫之禁。
宜令禁殺都監及州郡守令，申行禁令。其有
捕獲告官者，以本人家產充贖。犯者以殺人
論。州郡因朔膳使客供支等事，雖當盛農驅
集農民，馳騁荆棘，旬月弋獵，農夫其時民不
足食。職此之由，若夫鷄豚之蓄，則取之牢中，
不擾於民。願自今京畿等鷄豚場二所，一令
典廐署主之，以奉宗廟祭祀之用。一令司宰

寺主之以供御庖賓客之湏至於州郡各驛
皆令蓄之搏節愛養不害胎卵則不數出年
而供上祭祀賓客之奉充吾民養生之用足
而弋無獵廢農之患矣司饗每歲遣人於諸
道監造內用瓦器一年為次憑公營私侵漁
萬端而一道駟載至八九十牛所過駟然及
至京都進獻者皆百分之二餘皆私之弊莫
甚焉又有羽筋箭竹等差遣擾民非一顧自
今各司愛民差遣外方者一切禁之凡係此

等事皆令呈都堂都堂下觀察使觀察使分
布所在州縣據案直納則庶便於民士卒與
倭奴戰而所得馬匹器仗與凡民殺賊所得
之物所在軍民官傳牒境內鞠如盜賊悉輸
京都以布重賞罔上毒民莫甚於此故士卒
解體賊勢益張甚非誅也願自今諸道將帥
破賊獻者馘而已軍民所得倭物勿使推鞠
著為令典則人樂其利而勇於戰矣祀者內
而憲司外而觀察使以不庶論宰相人君之

貳也所與共天位代天工者也其尊莫有倫
此不幸有罪廢之可也退之可也賜之死以
可也乃令下吏裸綆枷鎖梟首露體棄而不
葬甚矣漢文帝時賈誼上疏謂刑不上大夫
帝深納之自是大臣有罪皆賜死無加戮辱
以禮遇下故當時士大夫恥言人之過失以
成漢家四百年之禮俗願自今兩府大臣雖
有死罪其大逆不道外法文帝故事無加顯
戮以成國家重大臣之典盛書曰罰不及嗣

傳曰罪人不孥故舜殛鯀而相禹武王誅紂而封武庚即天地生物之心也至於近世殺人如飲食滅人之族猶恐其有後不仁甚矣願自今凡有罪者法三代聖王之制妻子無隨坐以示聖朝不忍之政康徽康慎文王罔敢知于茲此成周之教理陳平不知錢穀之數君子謂知宰相體以其不侵官也本朝之制都堂摠百揆頒號令憲司察百官律風俗典法都官辨曲直決獄訟其職也近者僥倖

貪利之徒欺罔大內冒弄都堂訟牒雲委行
移之間因循苟且不勝其煩非設官分職之
本意也願自今令訟者各訟司收其直達大
內都堂者一切禁之以尊大內以嚴都堂凡
公私滋息一本一利耳比來貨殖之徒推利
是視一本之利或至十倍貸假之徒鬻妻賣
子終不能償故國家已有禁令今供辦都監
寶米滋息無窮至使貸者喪家失業非國家
恤民之意也願自今一本一利毋得剝取三

司及六部官以時親到所屬諸司將其所報
勾校文書會訖點考毋致陵夷如有不奉法
者使憲司糾理大罪降等別叙除名不叙隨
罪論之小罪下牒巡軍管杖還職凡京外大
小官吏除日既下累日不即上官赴任以致
公務稽遲其文書錢穀皆為奸吏所容匿此
則弊之大者而又非臣子誠心事君之道也
願自今除臺省政曹官外其京官大小員吏
自下批之後京官限三日外官限十日進闕

謝恩即行上官赴任稱權知行事新舊相對
將文書錢穀明立契券手相交付以憑考課
謝後即真有不如此法者京中憲司外方觀察
使痛繩以法比年以來紀綱陵夷州縣之吏
或稱軍功受官職或憑雜科誅避本役或
托權勢濫陞官秩者不可勝記州郡一空八
道凋弊願自今雖三丁一子三四代免鄉而
無的實文契者軍功免鄉而無特立奇功受
功牌者雜科非成均典校典法典醫出身者

自添設奉調真差三品以下勒令從本以實
州郡自今以後州郡吏不許明經雜科出身
免役以爲恒式王在潛邸廣植田園嘗惡革
私田至是欲復之復又上書爭之語在食貨
志後在憲司前後論列累敷萬言皆砭切時
病弊政一革進評理兼判尚瑞寺事掌銓選
賜中興功臣錄券封朝鮮郡忠義君教曰卿
曾祖貞肅公從我忠烈王入覲元朝誅權姦
以正名復都邑以定國本深末茂望奕著衍

以至於卿卿幼有大志克肖前人玄陵念卿

世勳知卿偉器引置扈從先加眷顧及玄陵

薨無嗣李仁任立辛禡卿傷祖宗之德嗣誓

天日以興復及禡得罪於

天子

李太議立王氏曹敏修以仁任之黨立禡

子昌而自為冢宰

李太以絳侯梁公之忠始興國政寄卿憲

綱卿方在母憂不少辭而就職是卿誠心為

非

李

太祖

無可與圖興復之功於是彈敏修心

貪婪撓法而逐之請追停仁任賜謚吊祭之

典蓋痛仁任之立異姓而絕宗嗣也卿為億

兆而忘一身汗巨室而任衆怒革私田而復

三韓建議遣使黜陟將帥守令而民安寇戢

令百官陳得失臺吏禁奔競省冗官興學校

置家廟禁火葬厚官祿給耒田兩府非登三

科者不除百司皆屬六曹大夫無加刑工商

收告身陞御史階置館驛丞宦者不與朝官
非有功不封君弱子弟不授官諸道省元帥
八縣置守令覆試定律籍丁口置常平軍吏
受真職水軍倉島田私膳私書雜使別遣俱
有常刑罪不及孥訟毋直達監務皆遣忝官
守令專理本郡凡所陳列益時救弊之術頗
綱振紀之法化民成俗之方豐財足兵之政
結人心而收人望者至矣及昌請入朝而禮
部責以異姓為王時昌舅李琳為家宰秘不

發免謀不測王氏之孤危甚於累卵卿冒萬
死與夢周道傳贊

李太諱而定大策以寡人承玄陵之正統不

刑一人不動聲色而除十有六年南面之辛

氏太祖列聖絕祀而復享使天下知三韓之

有人卿有力焉今錫之土田臧獲嫡長襲爵

誓以帶礪宥及永世卿其夾輔寡躬以永終

譽尋陞贊成事判禮曹事夢周密白王嘗曰

定策之日汝不欲立殿下且汝為大司憲論

禹玄寶禹氏之黨皆疾之王右禹氏由是惡
浚時奉使 朝廷者多不見禮故遣浚賀

聖節王聞其還曰予又見浚面尋判尚瑞蓋
疎之也加賜忠勤勵節佐命定祚功臣號移
三司左使為金震陽所劾繫水原徽召還復
為贊成事尋判三司事自此浚入本朝

列傳卷第三十一



列傳卷第三十二

高麗史一百十九

正憲大夫曹判書集賢殿大提學知經筵春秋館事兼成均大司成臣鄭麟趾奉

教修

鄭道傳

鄭道傳字宗之檢校密直提學云敬之子恭

愍朝登第調忠州司錄累轉通禮門祗候連

喪父母廬墓終制召授太常博士王親享宗

廟命道傳按圖製樂器歷禮儀正郎藝文應

教成均司藝以文學見稱王甚愛之辛禡初

北元使來李仁任池籛欲迎之道傳與金九
容李崇仁權近上書都堂以為不可迎仁任
慶復興却其書不受令道傳迎元使道傳詣
復興第曰我當斬使首以來不爾縛送于
明復興怒曰如此則與叛臣金義何異道傳
備陳利害辭頗不遜又白太后以為不可迎
復興益怒與仁任不視事乃流道傳會津縣
臺省侍從官送至東郊廡興邦遣裴尚度曰
吾已言於侍中怒稍解姑徐待之道傳方飲

酒奮然曰道傳之言侍中之怒各執所見皆
為國也今王有命豈以公言止乎遂上馬去
宰相聞之以為猶不悛欲遣人杖之會有釋
器之亂乃止尋宥任便居住結廬三角山下
講書學者多從之常以訓後生闢異端為己
任因城妖民伊金自稱彌勒惑眾曰若不信
吾言。三月日月皆無光至僧繁英曰伊金所
言皆荒唐無稽其言日月無光尤為可笑國
人何信之如此道傳曰伊金釋迦其言無異

但釋迦遠言他生事人不知其妄伊金近言
三月事虛妄立見耳僧嘿然起除典儀副令
陞成均祭酒乞郡出守南陽府我
太祖薦之召拜成均大司成屢獻訃辛昌立
充書筵侍讀未幾擢密直副使從我
太祖定策立恭讓封忠義君賜推忠論道佐
命功臣號拜三司右使教曰卿學通天人識
貫古今早捷科第遂躋膺仕居父母憂克終
聖制教誨幼弟俅克樹立臧獲強壯悉與弟

妹自取老弱孝友之性然也玄陵選置胄庠
仍掌制誥倡鳴瀛洛之道排斥異端之說教
誨不倦作成人才一洗我東方詞章之習
聖明龍興我玄陵先天下奉正朔
天子嘉之賜茶服樂器王於是躬裸大室卿
為太常協音律定制度尤為玄陵所重玄陵
賓天權臣議立辛禡卿謂許錦柳伯濡曰勢
已成矣難以去之欲請王大妃臨朝計未遂
與伯濡歎曰今日之舉無一介忠臣矣先是

金義偕

帝使赴遼東聞玄陵訃音遽生異圖殺使奔
胡卿與鄭夢周林樸朴尚衷白執政曰先王
不幸天使不返不早達朝廷社稷危矣
執政籍口以為人皆畏難莫敢欲行卿與夢
周等諭崔源入覲遂使東人免罪於

天朝權臣以禍稱玄陵後報于胡欲固其位
書成卿與尚衷樸不肯署名其事遂寢卿之
有狄張平勃興復之忠此於可見既而胡太

子遣使稱詔以來書辭甚逆。權臣欲率國人
以迎卿，乃力言以謂苟為玄陵臣子者不可
迎。此使執政黽勉從之。然忤其意，被斥南荒。
凡歷七年，殊無難色。非信道篤者，疇克如是
哉！後金、庾、洪、尚、載、金、九、容等入朝，皆被拘留。
朝聘道絕，卿夢周入賀，與
聖節倍日兼行。
帝乃嘉之，遣還。庾、尚、載等我國不失事大之
禮，宗社生靈之永賴，惟卿與夢周之力也。及

乎東歸將欲大拜乃求外補意有以也南陽
之民感卿惠改至今稱之禍昌父子將繼儲
號殄絕我宗祀害虐我蒸民神人怨恫者凡
十六載及

天子責異姓為王而卿與大臣諸定策以予
於神廟正派最親且長俾承宗祀一日之內
克復社稷以迄萬世之洪休豐功偉烈求之
古今罕有倫比卿展所蘊行所學革去弊政
修明禮樂真所謂王佐之才也是用圖形紀

功追贈祖考宥及永世嫡長世襲仍賜土田
臧獲銀帛其孤休命益勵忠誠時有獻大虎
者道傳曰諸道曲獻却之便否則請付有司
以備國用如大虎道路舁舉至數十人且其
肉不登俎豆將安用之王以為然貢獻悉付
有司王御經筵謂道傳曰今欲罷偽朝添設
職其術何由對曰古之用人之法有四曰文
學曰武科曰吏科曰門蔭以此四科舉之當
則用之否則舍之其誰有怨又問秩高者處

之何如對曰昔宋時為散官設大丹館福源
宮或授提調或授提舉今亦效此別置宮城
宿衛府而位密直奉詔者為提調宮城宿衛
事三四品提舉宮城宿衛事然則改得其宜
體統嚴矣又問居外者處之何如對曰在京
城者處之如此則在外者爭來赴衛王室矣
然後以秩高下或為提調或為提舉王從之
置宮城宿衛府道傳又言唐用人之法條目
有五一日教養成其才德二日選舉取其秀

出三日銓注當其職任四曰考課覈其功過
五曰黜陟示其懲勸條目中又名有條目博
學經史通曉律令隸習射御三者教養之條
目也文學才幹武藝門蔭四者選舉之條目
也有德望識量者為相有智略威勇者為將
敢言不諱者為臺諫明察平恕者為刑官通
習筭數者主錢穀巧思精敏者主工匠此六
者銓注之條目也公身忘私勤其職任為功
瘠公肥私曠官廢職為過此二者考課之條

目也進職秩加俸祿為陟削官職竄貶為黜
此二者黜陟之條目也本朝用人之法大毀
欲教養則師道不明欲選舉則以私蔽公欲
銓注則賢愚雜進欲考課則清謁煩盛欲黜
陟則賄賂公行五者皆廢何從得人乎近公
遣五道黜陟使是不揣其本而齊其末也王
深然之令徑造檢討官韓尚敬書其言以進
金星貫月王謂道傳曰將有何災道傳曰咎
在上國不開我朝時議非之憲府劾檢討官

申元弼矯世子旨王為罷其職既而怒言者
欲罪之道傳曰元弼乃殿下潛邸舊臣若宥
其罪言者必謂殿下喜怒出於私非初改義
事也王怒稍解拜政堂文學同判都評議使
司事兼成均大司成王命撰積慶園中興碑
賜衣一襲厩馬一匹省五軍為三軍都摠制
府以道傳為右軍摠制使道傳辭曰三軍之
作臣在中朝憲司所建白臣不知也然罷元
帥為三軍以臣為摠制使則諸帥失職者必

快快曰道傳革元帥自為搃制怨刺並興臣
又不便弓馬不敢當且革田改冠私服等事
皆非臣所為也左右皆曰臣臣又冒處是任
則譏言日至臣其危乎願更命他人王曰大
國三軍古制也中為權臣所廢宰相各稱元
帥一民莫非其有今革元帥立三軍此復古
之機也搃制寔重任議諸兩侍中以卿為之
卿無辭道傳曰儻有譏言請勿納永保微臣
遂不辭王悅王自南京還都次檜巖寺以誕

辰禮佛飯僧道傳曰誕辰飯僧雖非古典但
出於臣子則可矣未聞人君自祈福利不聽
王欲營演福寺塔殿令京畿楊廣民輸木五
千株牛盡斃民甚怨之道傳極言其害尋以
病乞退不允王下教求言道傳上疏曰臣伏
讀書教上以謹天文之夜下以求臣庶之言
而以八事自責臣竊之再三不勝感歎殿下
以天之譴告引而歸之於己用廣言路冀聞
過失雖古哲王未之或過也臣待罪宰相無

所匡輔以貽君父之憂至煩教諭之丁寧臣
實赧焉嘗謂君為元首臣為股肱比之人身
實一體也故君倡則臣和臣言則君聽或曰
可或曰不可期於致治而已然則天之譴告
由臣所致也古者有災異三公策免為大臣
者亦避位而讓之請免臣職以弭災異然念
古之大臣當清退之時必有陳戒之辭况今
獲奉教書安敢不効一得仰備採擇之萬一
伏讀教書曰涼德未修而不孚於帝心歟改

令有闕而未協於輿望歟臣愚以謂德者得也
也得於心也改者正也正其身也然所謂德者
者有得於稟賦之初者有得於修為之後者
啟下大度寬洪天性慈仁得於稟賦之初者
然也啟下平日未嘗讀書以考聖賢之成法
未嘗處事以知當世之通務安敢保德之必
修而改之無闕歟漢成帝臨朝淵默有人君
之度無補漢室之亡梁武帝臨死刑涕泣不
食有仁慈之聞不救江南之亂徒有天質之

義而無德改之修故也伏望殿下無以稟賦
之善自恃而以修為之未至者為戒則德修
而政舉矣伏讀教書曰任用之人或徇於私
歟賞罰之道有戾於正歟臣愚以為任用之
人出於公私在殿下自知之耳臣何足知之
然除目既下外人目而議之曰某也故舊也
某也外戚也外議如此臣恐徇於私者雜之
也賞者勸有功也刑者懲有罪也賞曰天命
刑曰天討言天以賞刑之柄付之人君為人

君者代天而行之耳賞刑雖曰出於人君固
非人君所得私而出入之也殿下即位以來
蒙賞受刑之人有事同而施異者金仔之言
一也有置子極刑者有加擢用者金宗衍在
獄致逃一也其監守官吏一誅一用其在逃
謀亂一也同謀容隱之人或生或死臣愚不
知刑誅而死者為有罪邪則擢用而生者獨
何幸歟擢用而生者為無罪邪則刑誅而死
者獨何辜歟禍昌竊我王氏之位竇祖宗之

罪人而為王氏子孫臣庶所共讎也其族姻
黨與不加刑誅則屏諸四裔而後快於人神
之心昔武才人以高宗之后奪其子中宗之
位五王舉義退武氏復立中宗武氏母也中
宗子也以母之親奪子之位胡氏尚議五王
不能斷大義誅其罪而滅其宗况禍昌之於
王氏無武氏之親有武氏之罪則族姻及其
黨與奚唐武氏之宗也頃者臺諫上言逐之
於外縱不能明示天誅庶幾少雪祖宗臣民

之憤也。曾未數月，俱承寵召，聚會京城，出入
無禁。今雖以諫官之言，放其數人，殿下黽勉
從之，有遲留顧惜之意，不知此舉果何義也。
諸將回軍議立王氏，此上天悔禍祖宗陰相
王氏復興之機也。有沮其議卒立子昌使王
氏不復興者，有謀逆幸禍永絕王氏者，其為
亂賊之黨，王法所不容也。殿下既全其生，置
之遠方可也。今皆召還于家，慰而安之，若以
其罪為証也。其沮王氏而立偽昌者，諸將之

所共知也親自招服明有辭證其迎辛禍而
絕王氏者金仔鄭得厚言之於前李琳李貴
生招承於後辭證甚明此而謂之証也天下
安有亂臣賊子之可討者也夫抵人之所為
不合於公義則必有合於私情殿下此舉以
為合於公義則禍昌之黨皆祖宗之罪人也
以為合於私情則留禍昌之黨以遺後日之
患如尹彞李初之請親王動天下兵亦何便
於人情哉若曰有罪者赦之恩莫大焉他日

必得其力人心自安而禍亂自止矣臣愚以
為刑法所以禁亂也君人所恃以尊安者也
刑法一搖禁亂之具先毀力未得而禍先至
心未安而亂不止矣請以中宗三思之事明
之武氏之黨最用事者三思中宗以母之親
姪誅討不可待遇甚厚自今觀之五王既立
武氏之子為帝故三思得免其机上之肉則
五王不惟有功於中宗三思亦有天地存於
造之恩也彼三思曾不是思自疑其眾為世

所不與日夜譖五王曰權重持功以惑中宗
之心中宗以三思愛已而親之以五王為權
重而忌之五王日踈三思日密卒之五王殺
而中宗殺使中宗謬計不過曰不能保全功
臣而已豈知親見殺於三思之手乎以親則
母之姪也恩以則活其生也不得其力而得
其禍譖人之難保也如此譏人之謀其初不
過自保其身而已為惡不止則馴致其道至
於亡人之身滅人家國以底自敗而後已如

三思者豈有古今之殊也。天人之際，間不容髮。吉凶災祥，各以類應。今內則百官受職，庶民安業，外則上國和通，彙夷讐服，亂何由生，讒人交構，於下則虞憂之象著於上，容星孛于紫微，臣恐三思之在於側也。火曜入于輿鬼，臣恐終有三思之禍也。臣等雖遭五王之害，無死恤也。為王氏已成之業，措之也。若曰保無此事，言之者妄也。彼中宗之心，豈不為保也。卒貽後人之笑，臣恐後之笑，今猶今之

笑古也董子曰天心仁愛人君先出災異以
譴告之欲其恐懼修省之也伏望殿下當用
人刑人之際不論其親疎貴賤一視其功罪
之有無處之各當其可使不相凌則任用公
而賞罰正人事得而天道順矣伏讀教書曰
民弊未盡除而財用妄費歟下情未盡達而
冤抑未伸歟茂異之才未舉者誰歟讒佞之
徒未斥者誰歟臣聞三司會佛神之計用居
多為財用之妄費者莫斯若也然佛神之害

自古難辨也為其徒者曰此好事也善事也
歸我者國可富也民可壽也為人君者聞是
說而樂之殫其財力諂事佛神人有言之者
則以為我事佛而彼非之我善而彼惡也我
道而彼魔也我之事佛神為富國也為壽民
也非為我也持是說以固其心而人之言莫
得而入也殿下即位以來道場高峙於宮禁
法席常設於佛宇道殿之醮無時止堂之祀
煩瀆此殿下以為善事而不知其實非善事

以為富國而不知國實瘠以為壽民而不知
民實窮雖有言之者舉皆不納不自以為佛
諫是臣所謂為善福壽之說先入之也昔梁
武帝屈萬乘之尊三舍身為寺家奴殫江南
之財力大起佛塔其心豈以為非利而苟為
之也匹夫作亂身遭羈辱子孫不保而國家
隨之佛氏所謂修善得福者果安在哉此猶
異代也玄陵崇尚佛教親弟子之執禮於髡
髡之人宮中之百高座演福之文殊會無歲

無之雲菴之金碧輝映山谷影殿之棟宇聳
干霄漢財殫力竭怨讟並興而皆恤不事佛
可謂至矣卒不獲福豈非明鑑乎周末神降
于有莘太史過曰國家將興聽於人國家將
亡聽於神周果以亡由是言之事佛事神無
利而有害可知矣伏殿下申明望有司除祀
典所載外凡淫怪諂瀆之舉一皆禁斷則財
用節而無所妄費矣殿下即位以來人或犯
罪有不問者有放免者疑若無冤抑之未伸

者也然赦者奸人之幸良善之賊也則其數
赦乃冤抑之所在也近者臺諫以宗社大計
上書論執皆遭放逐臣冤抑之未伸恐茂才
之未舉者此其時也至於讒佞之人蹤跡詭
秘言語隱密難可得而料也大抵君有過則
明爭之人有罪則面折之落落不合矯矯獨
立不畏他人之議者正士也秘其蹤跡惟懼
人知在衆不言獨對浸潤者讒佞之人也殿
下於外而大夫內而士小臣宦寺試以臣言

觀之則讒佞之情得矣人雖至愚皆知自愛
至於妻子之誅孰無是心昔漢成帝時日有
食之言者皆以為外戚用事之象成帝疑之
問於張禹禹以身老而子孫微弱恐得禍於
外戚不明言其故卒使王莽移漢鼎谷永輩
直攻成帝略無忌憚至於王氏之用事畏避
不言漢室卒以亡亦為妻子誅而不暇及漢
室也臣雖狂妄不至病風敢不自恤乎臣以
一身孤立于群怨之中詎不知言出而禍至

殿下以不諱問臣敢不以切直對此臣所以
寧得禍而不恤切言而不諱者也伏望殿下
留神採擇以白臣忘身徇公之意萬死無憾
仍微辭爰以進不允當時上書者甚衆而道
傳對為第一王每稱之然以盡言不諱忤旨
且以武三思比禹玄寶黨玄寶孫成範為駙
馬故王不悅道傳而玄寶及李縉之黨亦惡
道傳道傳又上書都堂請誅縉玄寶曰宰相
之職百責所萃也故石介甫曰上則調和陰

陽下則撫安黎庶爵賞刑罰之所由開教化
教令之所自出恩以為宰相之任莫重於此
四者而尤莫重於賞刑也所謂調和陰陽者
非謂無其事而陰陽自調自和也賞而當其
功則為善者勅刑而當其罪則為惡者懲矣
竊謂刑之大者莫甚於篡逆其沮王氏而立
子昌迎辛禍而絕王氏者篡逆之尤亂賊之
魁也苟免天誅今已數年矣又飾其容色盛
其徒從出入中外略無忌憚而其子弟甥姪

布列要職莫敢誰何則今居宰相之任守賞
刑之柄者無所辭其責矣宜當具論罪狀啓
于殿下與國人告于大廟數其罪而討之然
後在天之靈慰矣臣民之忿雪矣天地之經
立矣宰相之責塞矣若曰人之罪惡非我所知
也生死廢置之權人主之所司也宰相何與
焉則董狐豈以趙盾不討弑君之賊加惡名
乎春秋之時晉趙穿弑君直史董狐書曰趙
盾弑其君盾曰弑君者非我也史曰子為正

卿亡不越境返不討賊弑君者非子而何孔子曰董狐良史也趙盾良大夫也為法受惡夫盾以正卿不討弑君之賊受弑逆之名而不辭然後討賊之義嚴而亂賊之黨無所容於天地之間矣故曰為人君父而不通於春秋之義必蒙首惡之名為人臣子而不通於春秋之義必陷於篡逆之罪此之謂也愚雖不才得從宰相之後與聞國政不敢以良史之譏自懼乎若曰所謂罪人有儒宗焉有連

婚王室者有其法有難議者也則昔林衍廢
元王立母弟渴衍先定其謀而後告侍中李
藏用藏用不知所為但曰唯唯而已後元王
反正以藏用位居上相不能寢其謀禁其亂
廢為庶人今李穡之為儒宗孰與藏用其首
唱邪謀沮王氏而立子昌者孰與藏用但唯
林衍之謀而已胡氏曰昔文姜與弑魯桓哀
姜與弑二君聖人例以遜書若其去而不返
以深絕之所以著息輕而義重也夫弑桓者

襄公也弑二君者廢父也文姜哀姜若無
罪焉聖人以二夫。與聞乎故深絕人而痛誅
之如此夫嗣君夫人所出也不以子母之私
思廢君臣之大義况其下者乎或曰縞之言
曰禍雖也子玄陵稱爲己子封江寧大君又
受天子誥命其爲君成矣又既已爲臣矣而
逐之大不可也此其說不忌是乎則曰王位
太祖之位也社稷太祖之社稷也玄陵固不
得而私之也昔燕子之與少子噲或燕曰燕

可伐歟。孟子曰：不可。子之不得與人燕，子之不得受燕於子之聖賢之心，以為土地人民受之先君者也。時君不得私與人也。又周惠王以愛易世子，齊桓公率諸侯，王世子子會首止以定其位，當是時，嫡庶之分雖殊，其為惠王之子一也。且以天王之尊，不得私與其愛子，以諸侯之卑，率諸侯之衆上抗天子之命，聖人義之未聞。世子拒父命，桓公抗君命，誠以天下之義大也。去陵豈以太祖之位之

民而私與逆眈之子乎又
天子誥命一時權臣以為玄陵之子欺而得
之也後
天子有命曰高麗君位絕嗣雖假王氏以異
姓為之亦非三韓世守之良謀又曰果有賢
智臨臣定君臣之位則前命之語
天子亦知而申之矣安敢以誥命藉口乎其
為臣之說抑有辨焉綱目前書審食其為帝
大傅周勃陳平為丞相後書漢大臣等誅子

弘迎代王恒即皇帝位其書曰帝曰丞相者
非為臣之辭乎曰大臣曰誅子弘者非討賊
之辭乎不獨此耳武才人稱帝已久狄仁傑
薦張柬之為宰相柬之廢武才人迎立中宗
其薦為宰相者豈非為臣也廢武才人者亦
討其為賊也百世之下稱周陳安劉張柬之
復唐之功未聞罪數公為臣而廢舊主也穡
與玄寶雖仁義未足皆讀書通古之士豈不
聞此說乎其執迷不悟倡為邪說以惑衆聽

於此可見先王之法造言惑衆者在可當誅
况敢倡邪說以濟亂賊之罪者乎或曰其謀
迎辛禍者正子昌在位之時雖無辛禍之迎
王氏安得復與其曰迎辛禍而絕王氏以
罪加之之辭也當是時忠臣義士奉
天子之命議黜異姓以復王氏偽辛之黨先
得禮部咨知

天子之有命忠臣之議謂子昌幼弱謀立其
父以濟其私此非謀迎辛禍而絕王氏乎或

曰穡與玄寶於行為前輩有斯文之雅故舊
之情子力攻之如此無乃薄乎昔蘓軾於朱
文公為前輩文公以軾敢為異論滅禮樂壞
名教深訶力詆無少假借乃曰非敢攻訶古
人成湯曰予畏上帝不敢不正予亦畏上帝
故不敢不論夫軾之罪至^止於立異論滅禮法
耳以朱子仁恕之攻之至以成湯誅桀之辭
並稱之况黨異姓而沮王氏者祖宗之罪人
而名教之賊魁也豈以前輩之故而貸之也

况彼之言曰戊辰年廢立之時斯文有異議
所謂異議者議立王氏也又倡言於衆曰諸
將議王立氏吾父沮之吾父之功大矣此言
流聞於禍昌之耳者深矣使禍昌得志斯文
與諸將果得保其首領乎其自處之薄為何
如也自以立王氏為異議沮王氏為己功今
以立偽辛為異議沮王氏為重罪不亦可乎
或曰子已上牋辭免獻書殿下論執罪人又
告廟堂無乃已甚乎必若是言昔齊陳恒弑

其君孔子沐浴而朝曰陳恒弑其君請討之
又告三子曰陳恒弑其君請討之弑君者在
齊疑若無與於魯也孔子時已告老疑若無
與於魯之改也既已請於君疑若不必告於
三子也且以聖人宏大謹密入而請於君出
而告於三子必欲討其罪人而後已誠以弑
逆之賊人人之所不得誅而天下之惡一也且
在魯而不忍在齊之賊况在一國而忍一國
之賊乎從大夫之後而不忍隣國之政况在

功臣之列而忍王室之賊乎春秋書衛人殺
州吁胡氏曰人衆辭其殺州吁石碯謀之使
右宰醜莅也左文稱人是人皆有討賊之心
亦人人之所得誅也故曰衆辭也且亂臣賊
子人人一所得誅也而宰相不行誅討之舉
可乎况石碯以州吁之故并殺其子厚君子
曰石碯純臣也大義滅親以此言之亂賊之
人不論親疎貴賤皆在誅絕也或曰陳恒州
吁身行弑逆者也穉與玄寶未嘗弑也比而

同之不及過乎又安知誣其罪而誣蒙也則
有不胡氏之說乎弑君立君宗廟猶未亡也
移其宗廟改其國姓是滅之也豈不重於弑
也今黨異姓而廢王氏之宗祀者實胡氏所
謂移其宗廟而滅國姓也其罪之不止於弑
也又古之大臣有人告其罪者因服請罪如
漢霍光以武帝顧命大臣擁立昭帝功德至
大人有上書告其罪者不敢入禁中而待罪
於外以此觀之苟有告罪者則當涕泣切請

躬對有司辨明其罪然後其心安焉豈有誘
妻子上書假托疾病就醫於外不與明辨乎
是則自知其罪辭屈難辨必矣春秋討賊之
法雖其蹤迹未著尚探其意而誅之况蹤迹
已著如此者乎昔高宗封武才人為后褚遂
良許敬宗同為宰相遂良力言不可卒至戮
死敬宗順高宗之旨曰此陛下之家事耳非
宰相所得知也高宗用敬宗之言卒立武后
敬宗終享富貴五王同議反正同受戮死無

同之不以過乎又安知誣其罪而誣蒙也則
有不胡氏之說乎弑君立君宗廟猶未亡也
移其宗廟改其國姓是滅之也豈不重於弑
也今黨異姓而廢王氏之宗祀者實胡氏所
謂移其宗廟而滅國姓也其罪之不止於弑
也又古之大臣有人告其罪者因服請罪如
漢霍光以武帝顧命大臣擁立昭帝功德至
大人有上書告其罪者不敢入禁中而待罪
於外以此觀之苟有告罪者則當涕泣切請

躬對有司辨明其罪然後其心安焉豈有誘
妻子上書假托疾病就醫於外不與明辨乎
是則自知其罪辭屈難辨必矣春秋討賊之
法雖其蹤迹未著尚探其意而誅之况蹤迹
已著如此者乎昔高宗封武才人為后褚遂
良許敬宗同為宰相遂良力言不可卒至戮
死敬宗順高宗之旨曰此陛下之家事耳非
宰相所得知也高宗用敬宗之言卒立武后
敬宗終享富貴五王同議反正同受戮死無

一異焉自今觀之敬宗之計得而遂良與五
王為失矣然敬宗一時之富貴歟爾若颺風
過耳泯然無迹遂良五王之英聲義烈輝映
簡策貫宇宙而因存愚雖鄙拙恥敬宗而慕
遂良傳曰始與之同謀終與之同死既不以
愚拙棄之得叅及正之議安敢畏奸黨之禍
默然無言以苟免乎伏望法春秋討賊之法
以孔子石碣之心為心則宗社幸甚又上箋
辭曰臣之得誘難可悉陳請以殿下之所明

知者言之殿下以臣充三軍都摠制府右軍
摠制使臣而請曰諸將用軍士為私屬其來
尚矣一日革之舊家世族無其役而食其田
久矣一日屬名軍籍役加於身臣恐大小歸
怨於臣也殿下曰將帥之革憲司言之三軍
之說斷自予心卿何與焉保無此謗也臣復
曰臣若得謗必達於聰聞則殿下亦知臣無
其事而得其謗皆此類也而臣之他謗亦明
豈非幸之中者乎臣受命後果有謗之者曰

道傳曰自中原而三軍之府邊設此以五軍
都督之法而為之也舊家世族自此皆服賤
役矣萬口一談牢不可破戶口成籍堂臣言
之殿下可之其事出於臣在中原之時也刷
盲人巫師之子充樂工典儀寺奉殿下之命
而行之者也無籍冒名之徒怨戶籍之不便
於己者曰道傳之所為也盲人巫師以此議
為出於臣而誣之革私田之議臣初以為皆
屬公家厚國用而足兵食祿士夫而廩軍役

俾上下無匱乏之憂臣之志也而志竟不行
尋請殿下免提調官久矣而分田不均之怨
皆歸於臣然此小事也殿下之所明知臣不
得辨焉况事之大而怨之深者雖非臣之所
知臣何自以免也臣死於崔源之遣則內以
正先君之終上以不欺於
天子矣死於不肯署名之事則足以明僞卒
非玄陵之後矣死於胡使之却則上以脫君
父之惡名下以免一國臣民與弑之罪矣臣

身雖死有不死者存豈非榮乎若夫陷於讒
謗之口則上以遺君父不能保全功臣之累
下以招不能明極保身之議臣甚懼為願殿
下辭臣見職以保餘生諫官言道傳功在社
稷上箋辭職累日不荅待功臣不可如此其
薄乃復為政堂文學臺省交章請玄寶罷王
以成範故不聽使人於我
太祖請禁臺省論奏
太祖歎曰王曾謂我指揮臺省乎時王忌

太祖功高得衆心又舊家世族怨革私田多
方誣毀禍昌之黨連姻王室朝夕譖訴王信
讒言日夜與左右潛圖除之

太祖困於讒說謂道傳南園趙仁沃等曰吾
與卿等戮力室王而讒言屢騰恐吾輩不得
容吾當東歸以避之先令家人趣裝將行道
傳等曰

公之一身宗社生靈之所係豈可輕其去就
不如留相王室進賢退不肖以振紀綱如此

則王庶幾有悟而讒言自息矣今若退居一
隅彼讒者必誣以蓄異心禍且不測矣

太祖曰昔者子房從赤松子遊高祖不之罪

我心無他王豈罪我哉相與議論未決都鎮

撫黃希頤因家臣金之景白夫人康氏曰道

傳聞等勸

公東歸事將非矣不如去此數人康氏信之

告子

太宗曰道傳聞等皆不可保對曰

公困於讒說有引去之志道傳聞等力陳利害以止其行者也乃責之景曰數人與公同休戚者也汝勿更言至召道傳道傳辭疾不赴遣代言安瑗敦諭乃至王問穡玄寶罪道傳對如既意語若懸河王曰穡罪狀稍著玄寶罪猶未白道傳曰穡罪已著宜置極刑以示不忠若玄寶者罪狀未白故臺諫交章清流遠地臣亦以為宜使泚慝異處王曰穡玄寶事寢之已久今有抗疏者必卿疏為

之階也。卿近不見寡人者，亦以此也。道傳曰：君臣之義，情同父子。譬如父責子不孝，而明日又愛之如初者，天理之不掩也。殿下今雖責臣，後若推誠任臣，敢不奮勵。今當農月，天久不雨，殿下召臣面議。天乃雨，昔霍霖禾穀不茂，殿下召臣議政事。陰雨霽，殿下以為何如。脫有奸黨矯旨罪臣，臣請面啓。然後伏罪。王不悅，憲司劾糾。正朴子良等不迎執義，禹洪得下獄，鞠之辭連。道傳出為平壤府尹省。

憲刑曹上疏劾道傳陰誘糾正非毀臺諫請
置極刑王以功臣宥之復論道傳濫居功臣
之列內懷奸惡外施忠直染污國政請加其
罪王放歸其鄉奉化縣臺省交章曰道傳家
風不正派為未明濫受大職混淆朝廷請收
告身及功臣錄券明正其罪王只收職牒錄
券移配羅州大司憲金湊等上疏論其子典
農正津宗簿副令澹廢為庶人尋量移道傳
于奉化縣鄭夢周嗾諫官金震陽等上疏曰

鄭道傳起身賤地竊位堂司欲掩賤根謀去
本主無由獨舉織成萋斐之罪連坐衆多之
人請於貶所典刑垂戒後來初玄寶族人金
戩嘗為僧私其奴樹伊妻生一女人皆以為
樹伊女戩獨以為己女密加愛護以嫁士人
禹近生女女適云敬生道傳故云後夢周誅
召還賜米豆百石給其子告身復封忠義君
自此以後入

本朝

列傳卷第三十三

高麗史一百二十

平憲大夫判書集賢殿大提學知經筵春秋館事兼成均大司成臣鄭麟趾奉

教修

尹紹宗

會宗

尹紹宗字憲叔贊其成事致仕澤之孫恭愍朝
擢魁科選補史官累轉為正言草疏陳時事
曰皇天生民而不能使之各得其所必命聖
人為之君以代治之故位曰天位民曰天民
而設官分職則代天工也本朝之制中書則

有令侍中平章叅政政堂五者法天之五星也樞密則天之北斗也至於百官莫不皆然雖郎官之微亦皆上應列宿故名器官爵非人君之自有乃天之所有人君代設之者也人君不可以名器為己之私有而妄與之而人臣亦不可不量其才德而敢居之也自昔帝王分天下之民為四等曰士農工商農工商各世其業以供上惟士無所事也而入學讀書修身正家事君治民之道皆得學焉

而後官之是以公卿大夫未有不盡其職而
人君代天之政成仲尼曰名器君之所司也
不可以假人政亡則國家從之而亡蓋名器
既輕則朝廷不嚴而王室卑王室卑則小人
生陵慢之心民志不定上下不辨而社稷危
矣我祖宗非能則不使在職非賢則不使在
位有罪必誅無功不賞是以愚不肖者不得
在官而百官正矣慶陵之入朝也中官李大
順有寵於世祖請授其兄別將慶陵曰汝兄

伍尉也越散負授別將非祖宗法也大順言
於世祖曰願諭我王帝曰官人有法制國有
君朕何與焉汝其自請之則我祖宗之重名
器古未有也自辛丑癸卯以來國用不足以
官爵為賞功之物於是小人濫冒軍功因緣
賄賂不次起授其源一開至于今日商賈工
匠公私奴隸皆得為官羊頭狗尾布列中外
褻慢名器污穢天工人人視朝廷官爵如土
芥皆欲俯拾至有中郎將掃牛下奉朔直一

匹之讓蓋言名器之甚賤也由是雖以伍尉
而至散負散負而為中郎將亦不喜也平時
如此萬有危急之難殿下復將何物以賞之
而勸以立功耶願自今非有軍功才德則雖
近倖者不妄授以官使工匠商賈各安其業
毋使賤人污穢朝廷則民志有定上下有辨
朝廷有嚴而王室尊矣臣聞諸葛孔明有言
曰親賢臣遠小人先漢所以興隆也親小人
遠賢臣後漢所以傾頽也自古及今治亂興

云之分夾於人主所親信之得失耳殿下當
天下危亂國家厄會之時深居九重或一月
不聽政親近頑童群小而宰接宰相者德彼
頑童群小唯知逢迎上意承順顏色其所事
者不過鷹犬飲食男女之間而已殿下樂其
和順而日與之親豈不大為盛德之累乎宮
禁嚴肅非雜類所得而窺也今也群小出入
自恣大內不嚴大內既不嚴則主上安得而
獨尊哉代言金輿慶不學墻面唯唯諾諾非

獻替啓沃之資也殿下悅其敏給阿順使出
納教命進退士大夫一國之事皆先關白與
慶然後得達宸聰夫偏聽生姦獨任成亂安
知他日不有李斯趙高之禍哉伏見三月朔
日有食之近年賊眈用事而七月日食七月
者三陰之月也而且有眈不測之謀今三月
五陽之月也陽甚盛而一陰獨存能勝太陽
此非小變也臣下必有敵惑主上者君子道
消而小人道長矣願殿下畏天變而收興慶

之權不使與國政黜群小之在內者毋深居
九重毋日晏不起毋獨任一臣日接宰相者
德忠直之士力行祖宗之仁政則社稷之福
也臣聞養天民者興殘天民者亡是以人主
受天命而立天位則必上順天心以養天民
如父母之愛赤子然後民心附而天命固焉
太祖當泰封奢虐之際奉天討罪誅除群兇
愛養民生衣服取其禦寒暑宮室期於庇風
雨深仁厚澤涵育元元列祖相承咸以儉德

養民為心景靈殿孝思觀顯毅二陵其制度
儉小不為奢麗此皆子孫之所當法也殿下
即位于今二十有三年適當厄會國步多難
賊眈用事包藏異心敵惑聖聰斷喪國脉遂
使殿下興仁熙殿之役撻百姓之髓朘百姓
之膏輸材鼓冶供給之費日以萬計辦事之
吏暴於猛虎督責之令疾於風雨中外之民
困於力役三農失時老弱失養而父母妻子
不相自保倉廩無半月之儲百姓無十日之

糧五道兩界積年所儲之軍須俱竭於供給而亦不足矣三韓嗷嗷歸怨賊眈六年之間大水大旱百萬生靈如在湯水之中而畏眈之威不敢出諸其口垂頭拱手號訴于天地曰是役也皆賊眈及官中廣大從東而為之也眈既伏誅役猶未已民又怨之曰是役也眈雖首唱實廣大欲固富貴而力贊之三韓之民之怨廣大也甚於賊眈矣國家自庚寅以來東禦倭寇丙申以後北禦韃靼已亥辛

丑之戰吾民死亡者太半不三年又有癸卯
之亂死亡又倍於辛丑矣已亥以至於今十
五年間水旱相仍饑孳相望民之存者僅十
之一羅慶二道連歲大饑而今年尤甚三月
大寒四月不雨麥不成穗而種不入土吾民
將何以生乎民者王之天食者民之天也民
無食則死矣王者無民則奚以獨守國哉今
京中倉庾空竭而兩界五道又饑饉不幸有
辛丑癸卯之變則將何以備軍餉乎百姓困

於土木困於賦歛冤怨通天不可遽解雖有
急難誰復有為殿下効死哉嗚呼景靈殿太
祖皇考之別廟孝思觀太祖之真之所在顯
毅二陵太祖皇考之墓也而其制度比之仁
熙殿正陵則百分不及一矣吾東方天下
為禮義之邦而子孫后妃陵殿反過祖宗天
下後世以為何如也殿下奈何以一后之故
取天下後世之笑乎且預凶事非禮也而廣
大款事興固寵冒妄殿下預作石室聞者憤

歎以為大不祥也而不忍言之今災異荐臻
百姓饑饉又非人主玩花卉之時也而廣大
乃作花園虧損殿下之德而離散民心其罪
固可斬也願殿下正廣大之罪斬于都市罷
陵殿石室之役壞花園以解天怒以弭民怨
疏未上獻納金允升知之與司議禹玄寶托
以紹宗累月在告曠職劾罷之辛禡初授典
校寺丞轉成均司藝改典儀副令藝文應教
紹宗不顧產業家甚貧知申事李存性白禡

賜米十碩移典校副令我

太祖回軍紹宗詣軍前因鄭地亦見懷霍光

傳以獻其意欲復立王氏也辛昌立隆典校

令與同僚奏本朝舊制凡圓立宗廟社稷山

陵真殿神祠祭享祝文道殿佛宇詞䟽本寺

官一人每月輪直清齋寫進上齋米親押天

地宗社則必親祀佛宇道殿神祠則或命大

臣攝行近以祈禳猥多或命正字小臣代押

其源一開今唯四時大亨親押其餘則皆代

押甚違誠敬之義願遵祖宗舊制祝文詞疏
齋沐親押圓丘社稷宗廟籍田大亨必皆親
祀朔望奠及凡祈禳擇大臣攝行御正殿親
授祝文詞疏昌從之又奏殿下既允臣等親
祀之請今大亨宗廟乃以大臣充大尉是殿
下不欲親享也以謂禮文未備奠物未具耶
則苟有明信澗溪沼沚之毛可薦於神明豈
以文之未備物之未具而并棄其誠也哉以
謂權署國事不敢主祀耶則舜之受終禹之

受命皆攝政也而寧百官親格于文祖神宗
之廟舜禹天下之大聖萬世帝王之所當法
也殿下不法之臣等竊為殿下惜之令殿下
之不親享有三不可焉吾不與祭如不祭則
是不誠也無疾病大故而燕居九重使臣攝
行則是不敬也既許親祀下之兩府播之百
姓未幾而有攝祭之命是示國人以不信也
夫誠敬信三字人君之大寶也禮是三者能
有其國者未之有也禮將祭散齋四日致齋

三日今殿下端拱日御經筵聞正道近正人
則散齊固無嫌矣願自今日致齊思誠格于
太廟躬服袞冕以告即位以申孝思昌下都
堂議俄拜右司議大夫極論李仁任罪又與
同舍許應閔開等復疏論仁任日暮不得上
會疽發背請告應等寢其書紹宗遷大司成
赴書筵以前疏進仁任族黨疾之至有欲殺
者語在仁任傳紹宗在書筵上書曰易曰蒙
以養正聖功也天命之性本善無惡人與堯

舜初無小異古之聖王固稟胎教及在襁褓
有保以保其身體而適起居之宜有畏慎之
心有傳以傳之德義而節嗜好之過防聞見
之非特選端士與之出入起居所見必正事所
聞必正言外物之誘無自入天性之真得其
養方寸之間受教之地澄淨無蔽故皆可以
為堯舜矣臣竊見殿下受讀論語今十有
三月矣每日所新知者多不過三四字而已
尚或難讀以殿下明睿之資得於天稟其於

受學非不能也但由殿下暫御書筵須臾入
內狃於近習心繫外物而不在於書故也至
於近日怠學之端形於外師傅未退訓音未
通輒讀輒起俄稱御膳失時輒入於內聖學
何由而進聖德何由而明乎上王初立聰明
向學而姦臣為盜國之計即罷經筵誤我上
王幾覆宗社殿下即位之初大臣以前朝為
戒首開經帷以勸聖學以克舜之聖望殿下
矣如或怠學則奈宗廟奈何生靈何今孟秋

吉傷穀風作害國家生民之大命上天之譴
莫大焉洪範云曰聖時風若曰蒙恒風若殿
下怠學之端見而咎徵之風應之天之以蒙
儆戒殿下豈不明甚哉古之時八歲而入小
學十歲而出就外傳居焉昔魯襄公年纔六
歲而出從天下諸侯之會同何嘗御膳必於
深宮之中乎昔程子為講官而上言曰人主
一日之內親寺人宮妾之時少接賢士大夫
之時多則自然氣質變化德器成就願殿下

每朝問安慈闈之後出便殿進御膳命諸講
官館閣學士常侍左右從容宴語開說道理
至於日昃至於夜分天命之去留人心之向
背稼穡之艱難征戍之勞苦治亂之源與云
之迹古今禮樂人物賢否日陳於前則上聽
積久自然通達聖與性成堯舜同德比之常
在深宮之中熏染婦寺之邪化聖為蒙其益
豈不甚大哉嬖便近習之褻慢實害聖德之
良莠賢士大夫之薰陶乃養聖德之雨露凡

宮人內臣亦用程子經筵之奏並選年四十
五十已上厚重之人以備左右其年少者不
使進於左右以絕其導上邪私之原凡服御
器用以紂之象著玉杯為戒以禹之惡衣服
為法侈麗之物不進於前淺俗之言不接於
聽今領書筵知書筵右之大師太傅也侍讀
古之小師小傅也願自今正殿受讀之際知
書筵進則必為之起避席受經退則亦為之
起侍讀進退亦為之避席改容以致尊師重

傳之意此所謂湯之於伊尹必學焉而後臣
之故不勞而王桓公之於管仲必學焉而後
臣之故不勞而霸者也養成聖德莫急於此
願殿下上念太祖五百年之垂統下念三韓
億兆之向望不罪微臣懇懇之言察納修省
以開千萬年之太平侍讀鄭道傳見之曰議
論切至深得告君之體恭讓即位以大同憲
趙浚薦為左常侍經筵講讀官浚嘗從紹宗
學故有恩憐之舊凡有章疏紹宗皆具藁初

紹宗嫉李崇仁才高又忌李穡譽崇仁而不
譽已及永興君獄起紹宗譖崇仁於浚欲殺
之紹宗與同列請誅邊安烈疏六上從之王
欲覽貞觀政要命鄭夢周講之紹宗進曰殿
下中興當以二帝三王為法唐太宗不足取
也請講大學行義以闡帝王之治王然之初
禍之移江陵也門下評理尹虎柳曼殊簽書
密直禹洪壽同知密直俞光祐等押行又廢
昌之日商議門下府事崔元壯密直副使柳

龍生守宮門判慈惠府事鄭熙啓慈惠府尹

李

恭靖王
舊諱

密直副使金仁贊知申事李行等

守傳國寶密直使姜淮伯知密直尹師德封

府庫王論其功賜虎等為功臣紹宗言賞罰

國之大柄不可濫也我太祖征伐四十年稱

功臣者止六人金樂金哲代太祖而死尚不

與六功臣之列今殿下既以

和寧伯等九人告廟行賞虎等之功人所未

聞請削之不聽復上疏爭之竟不從王遣吏

曹掾郎李滉迎曹溪僧粲英為師紹宗與兼
大司憲成石璘等伏閣諫石璘曰釋氏以清
淨寂滅為宗無補國家昔成湯師伊尹文王
師太公以致商周太平之治未聞以釋氏為
師也紹宗曰殿下如欲求師有元老大臣在
何用僧為遂退交章論奏曰綱常天下國家
之大本堯舜三代享國長久以臻至理由此
道也自漢明帝崇佛以來亂亡相繼至于梁
氏惑佛太甚宗廟以麵為犧牲綵帛禁織鳥

歟之形卒致侯景之亂餓死臺城唐憲宗迎
佛骨于禁中刑部侍郎韓愈極言以為自佛
氏入國中以來事之愈謹年代尤促憲宗不
聽未幾暴殂我太祖深懲積弊禁後代君臣
私作佛刹是時太師崔凝請除佛法太祖以
為新羅之季佛氏之說入人骨髓人人以為
死生禍福悉佛所為今三韓甫一人心未定
若遽去佛法必生反側乃作訓曰宜鑑新羅
多作佛事以至於亡聖祖所以拔誕妄之源

本朝後王之繼述者至甚劫矣臣等竊聞殿
下將迎曹溪僧粲英于大內尊為王師臣等
為殿下惜之三代帝王以論道經邦變理陰
陽者為師故湯師伊尹伐夏救民以開六百
祀之商武王師太公鷹揚誅紂以開八百年
之周姚秦以胡僧鳩摩羅什為師不旋踵而
亡前元以蕃僧婆羅跋蹄為師及其季世以
天子之尊奴事指空冥其福壽卒致應昌之
敗佛之為教無父無君姚秦前元以五胡北

狄之俗不法帝王之治以毀綱常得罪於天
以速亂亡今殿下中興方將作法垂範為聖
子神孫億萬世之所遵今乃復襲胡狄之失
乃以胡教為師有國家者立政立事循其名
當責其實所謂師者師其道也釋氏以臣子
背君父逃入山林寂滅為樂若師其法必髡
三韓之民必絕九廟之祀然後稱其名耳願
殿下勿以無君父者為師尊堯舜孔孟之道
以開三韓太平之業疏上王勉從之英至崇

仁門臺省遣吏逐之不得入而還王罷臺省
面啓之法紹宗與同列上疏曰堯舜咨四岳
闕四門明四目達四聰嘉言罔攸伏尚慮下
情之或鬱而不達乃曰予違汝弼汝無面從
退有後言又曰汝亦昌言三代聖王率由是
道咨于芻蕘工執藝事以諫有誹謗之木有
進善之旌匹夫匹婦之言皆達于上上下下交
而為泰及周之衰謗者使監以止之遂失文
武之天下秦以忠諫者為妖言而禁之至有

指鹿為馬而莫有言者故得天下二世而亡
自漢迄元言路開則治且安言路閉則亂且
亡自異姓竊國以來臺諫緘口至於戊辰攻
遼之舉而無一人言者此殿下之所見親也
殿下即位以來五日一視朝今臺諫面啓時
政得失三韓蹈舞想望太平而今者乃令臺
諫勿復面啓豈不大為中興之累乎一言喪
邦此之謂也願殿下更命臺諫面啓其餘各
司亦令各以其職進言以廣聰明以臻至理

又上疏曰臺諫人主之耳目不可頃刻而離
左右也曰者以辛禍父子事闕大體殿下命
臺諫往驗其狀此所以重宗社一時之權宜
也因此遂分遣臺諫於外以虧殿下耳目之
任甚非中興之美法也願自今毋令臺省出
外以委繩愆責難之任從之王將幸長湍紹
宗與石璘等上疏云傳曰君舉必書書而不
法後嗣何觀伏聞殿下將幸長湍閱戰艦此
誠安不忘危之意然自異姓竊國以觀逸遊

田毒痛生靈惡聲聞于上國今賴天祐興復
舊物宜以遊田為戒乃何即位之初不修德
政復徇偽朝之覆轍乎東作方興大駕之行
千乘萬騎道路供億之費弊不可言若以緩
急為言則郊天拜陵耕籍田謁文廟在所當
先願殿下姑停此舉以解國人之惑不允又
上疏曰竊觀祖宗之制凡有所犯者不給田
以礪士行自異姓竊國以來女媖兇得志賣官
鬻獄盡毀祖宗之法士大夫以土田臧獲自

成契券賂姦兇受官職以敗禮義廉恥之俗
殿下中興革私田以安民生給圭田以優任
者意甚盛也反正之初宜崇節義戒貪邪一
新士習請令辨正都監收諸人所賂田民及
所鬻鬻告身以礪風俗疏留不下遷紹宗為禮
儀判書其餘臺諫亦遷他官以其彈劾不已
也紹宗嘗謂上護軍宋文中曰今
李侍中不能進君子退小人若一朝墮於小
人之計悔何及哉沈德符等聞之告于王王

怒欲罪紹宗我

太祖請曰廷臣直言者惟紹宗耳不可罪之
代言李士渭亦曰紹宗屢上書皆不聽今適
罪之外議必謂殿下惡直臣也王曰予旣除
紹宗高官人惡得而言哉

李侍中功在社稷紹宗等敢辱之其不可罪

歟遂放于錦州初紹宗與友壻崔乙義我爭臧

獲未決托辛禡孽臣潘福海得之及為常侍

喜論駸王甚惡之每舉托潘事此言之至是見

竄後錄回軍切賜田宥其罪諫官承鄭夢周
指喉上疏論劾削職遠流及夢周誅乃宥入
本朝拜兵曹典書修文殿學士同知春秋館
事卒子淮第會宗辛禡時登第累官至司宰
副令恭讓即位上疏曰玄陵上賓之後權臣
李仁任等以逆眈之子禡嗣我王氏九廟絕
祀者十有六年幸賴天祐王室旣亡而復興
殿下宜深思明斷以辛禡父子告于祖廟而
斬于都市然後得以慰九廟之靈答臣民之

望而禍亂之源矣夫管叔兄也周公弟也杜
管叔與武庚流言倡亂周公誅而王室安焉
王莽篡位天下思漢長安中有自稱成帝子
子輿者莽殺之邯鄲卜者王郎詐稱真子輿
而稱帝天下響應衆至數百萬光武困於滹
沱幾填於餓虎之喙然後能克而斬之以中
興帝室曹操盜漢家四百年之天下及其子
丕稱帝改元以據中夏諸葛亮相昭烈以圖
興漢其言曰漢賊不兩立當獎率三軍北定

中原攘除姦兇復興漢室其志將欲繫頸曹
丕告于高祖光武之廟而斬之然後足以小
謝天下也當是時天下比日為魏有而昭烈所
據之地唯蕞爾之蜀耳作史者比日書曰曹丕之
年以帝魏矣獨朱文公修綱目黜曹丕之年
而特書昭烈皇帝章武元年以正漢家之統
唐之則天后廢中宗而自立為帝改國號曰
周欲傳天下於武氏唐已亡矣張東之等舉
兵復中宗之位誅張易之張昌宗遷則天於

上陽宮復國號曰唐後之君子責東之等不
能以大義處非常之變而討唐室之罪人乃
曰以武后至大廟數其九罪廢為庶人賜之
死而滅其宗中宗不得而與焉則足以慰在
天之靈雪臣民之憤而天地之常經立矣此
言深劫而著明矣初二張之伏誅也洛州長
史薛季昶謂東之等曰二兇雖誅產祿猶在
去草不去根終當復生東之曰大事已定彼
猶机上肉耳夫何能為季昶歎曰吾不知死

所矣謂賊武三思尚在故也既而中宗與韋
后復信用三思東之等五王果為武三思所
殺天下悲之彼辛福父子盜據王位十有六
年姻戚豪右布列中外萬一姦兇之徒推擁
而出則臣恐噬臍無及而殿下之大事去矣
周公之於管叔至親也而猶為天下誅之則
天中宗之母也君子以不誅為責况今賊臣
之子孫非有管叔則天之親今既反正有何
所疑猶廩養而不誅以啓群邪之心乎其

祖宗十六年絕祀之意何如其於季祖去草
之說何如夫天下之變常起於所忽終至於
不可得而制也其於殿下社稷之大計可不
為深慮乎今在廷之臣孰不欲言之其不言
者恐其言之不行而有後悔也經曰君不密
則失臣臣不密則失身幾事不密則害成願
殿下與大臣謀於禁中以禍父子告于大廟
而誅之明示中外毋令再亂王室再毒生民
以垂萬世之統王從之會宗臣事禍昌職非

言官而上書請誅人有議者轉刑曹掾郎又
上疏曰國家運祚之長在乎人君積德累仁
培養邦本而已夫豈恃都城地勢之旺氣哉
盤庚之去耿以有柯決之害大王之去邠以
有狄人之侵平王之東遷以有犬戎之亂今
無此數事而欲遷都漢陽物議驚駭脊動訛
言是殿下以江水赤沸太白晝見乃信讖緯
不經之言欲移蹕以避之殿下如欲避災惟
當避殿減膳兢業小心下罪已之令以永直

言明其政刑愛養黎元而已偽禍惑邪臣之
言徒居漢陽貪殘之徒恣意誅朮揚廣一道
為之騷然今若移幸則修宮室備供儲將家
抽戶斂侍從百司宿衛臣庶將傾城以赴之
朝夕餓殍之不繼風霜雨露之無庇辛勤旅
次可勝言乎况今禾穀被野萬騎所至踐蹂
且盡漢陽吏民失其家室奔竄山谷披荆棘
刈蓬藿秋耕秋收又失其時臣恐民之受惠
甚於禍時也又惑浮屠法貍之說重修演福

寺盡壞旁近人戶臣為殿下不取願罷移都
黜法狃以副輿望昔晉惠帝時雨血太白晝
見太子與皇后見殺自是宗室相殘天下大
亂懷愍二帝終為劉聰所虜夷狄亂華者數
百年唐高祖時太白晝見經天秦王殺太子
及齊王元吉太宗季年太白屢晝見而則天
廢中宗自立華唐稱周大殺唐之宗室社稷
幾亡天之垂戒豈偶然哉今春夏之交太白
屢晝見今又晝見經天者月餘天之所以戒

殿下者至矣殿下列花卉於宮中而日翫之
又歆遊幸漢陽臣恐祇懼之心有未至也願
以堯舜三王之心為心以周公孔子之道為
道不為邪議之所惑務於實德則天意可回
而邦本可固矣

吳思忠

吳思忠初名思正其先迎日縣人後徙寧遠
鎮登第累遷監察糾正歷獻納執義辛昌時
為司議大夫上疏論復私田之弊從之又與

同列上書曰往者群姦秉權援引朋黨用舍
顛倒骨鯁忠直之士指為迂闊排而斥之貪
邪諂諛之徒號稱賢能崇而陟之絕塞言路
蒙蔽聰明邦家殄瘁幸賴天地宗社之靈聖
君兇伏誅朝野廓清殿下初即大寶旁搜
賢俊布列庶官大開言路芻蕘必採其禮樂
制度之宜救時拯民之策臺省交章申奏
殿下聽而行之然法雖立而民未見效華
私田正經界之論巨室之所大忌有志之
士勁直之言

邪黨之所深疾胥動浮言以惑衆聽中外曉
曉此扇亂之漸也况天變屢見星躔失度霜
降之餘迅雷不収立冬之後蒸霧發洩此二
氣有乖之驗也臣等竊謂殿下當克謹天戒
好學從諫修省於上群臣當各供其職無敢
怠荒恐懼於下然後天變可消人鬻不作能
保無窮之業今也大臣每用樂宴飲供費十
千實非敬天勤民憂灾恤變之道願自今迎
餞上國使臣及勞慰有功將帥外凡中外公

私宴飲用樂痛行禁斷以謹天戒以節國用
以厚民生昌紉之恭讓初與舍人趙璠等上
疏極論李穡曹敏修之罪又曰李仁任擁立
辛禡之罪亦殿下之所親見也請委諸憲司
斬棺殮宅以聲其罪又曰三司在使金續命
倡為未辨其母之說見黜而死公山府院君
李子松諫禡興師遂為大戮請命攸司祭其
墓錄其子孫以慰忠魂命罷穡父子廢敏修
為庶人又與璠等上疏曰今殿下上承

天子之命下應臣民之望拔亂反正紹我祖
聖既絕之大統廢辛禡父子為庶人此則正
名分定民志以開萬世太平之時也昔衛君
待孔子為政孔子欲先正名曰名不正則民
無所措手足矣漢呂后取宮妾子弘為惠帝
嗣大尉周勃以弘非惠帝子而誅之迎立代
王以正民志以開四百年之太平唐則天后
廢其子中宗欲立異姓武三思為太子丞相
張東之誅則天之黨張易之昌宗等復立中

宗留三思以待中宗自誅之薛季昶等謂東
之曰去草不去根後必復生二凶雖誅三思
尚存公輩終無葬地矣若不早圖噬臍無及
東之等不從曰大事已定彼一三思猶机上
肉耳後三思果殺東之等而中宗亦遇弑矣
君子論之曰則天既得罪於唐之宗廟中宗
亦不得私於其母東之等既立中宗以則天
賜死而中宗以大義不與其議則可以解祖
宗之怒而天地之常經立矣亦孔子正名之

義也今一二大臣推戴殿下以繼恭愍王後
以正辛禍非恭愍王之子布告中外三韓億
兆之民相謂曰吾生復見太祖之孫矣往者
洪倫之亂之源及禍毋般若之言之死亦殿
下之所明知也聖天子之所已聞也今李穡
心亦知其非於仁任擁立辛之際曾無一
言敏修立昌之時首倡定策今年又欲復立
辛禍其罪前疏未盡之矣今殿下既紹正統
李種學獨倡言於人曰玄陵既以禍封江寧

君而立府矣而又

天子爵命禍矣

李

太祖
舊語

何人敢違玄陵之命廢我驪興王乎

今殿下不正禍父子之罪以告大廟以定民

志又不正稽父子附禍昌之罪以絕群小之

陰謀則殿下亦不得一日安天位也或曰辛

氏父子

天子所知不可不待命降而正其罪是大不

然

天子既責三韓陪臣以異姓為君矣又安有
二命乎且或上國欲存辛禍則未審殿下亦
可存而不定民志乎春秋之法亂臣賊子人
得而誅之先發後聞可也又何待於明降乎
仁任推戴辛氏之罪乃太祖列聖在天之靈
所共誅者也乃不從臣等之請此而不誅
則是開萬世亂臣之門也宜令有司斬棺瘞
宅籍沒家產稽種學父子止於停職屬散則
萬世奸賊何所懲乎宜下攸司明正其罪李

崇仁河崙前為仁任腹心後徇穢奸計以督
辛昌朝見而欲立辛禡以永絕列聖之血食
罪不容誅者也亦令攸司論罪又種學以立
昌為父之功言於宦宦孝芬芬言於李琳之
女黨附李琳欲遂奸計願下芬于攸司鞠其
情狀以正其罪權近私拆
聖旨先示李琳又示李穡其心不在王氏明
矣既而托以崇仁事上書被劾其間亦未可
知止流遠方不正其罪則何以懲後世不忠

之臣乎前漢陽尹文達漢以琳姻戚居中用
事恣行不義琳之族屬已皆流竄而獨在輦
下請收職牒斥去外方於是瀦仁任宅流穉
父子崇仁崙芬達漢又上疏曰宦寺本以宮
內掃除為職無與外事至秦毀古制以趙高
為中車府令而二世死於其手西漢以弘恭
為中書令殺戮忠良而王莽篡篡曹節等用事
而東漢亡唐以仇士良為中尉廢置人主宋
以童貫為將帥陷二帝于女真前元院使用

事遂失天下古今之明鑑也在我祖宗之制
宦寺無宦文廟之世時號太平我朝賢聖之
君也而宦寺給事不過十數人亦未嘗食祿
忠烈王朝亦不許叅官至于玄陵使宦寺得
與兩府八衛之列卒致萬生之變亦殿下之
所親見也殿下即位復立內侍府階三品是
殿下以中興之主復蹈亡國之轍也願自今
宮中宦官給事者只給衣食罷內侍府不聽
遷成均大司成以其彈劾不已奪其言職也

尋判典校寺事諫官承鄭夢周指喉論趙浚
尹紹宗等請置極刑憲府乃劾思忠罪與紹
宗同乞并究理命削職遠流及夢周誅召還
任轉左常侍自此以後入

本朝

金子粹

金子粹字純仲雞林府人恭愍末擢魁科授
德寧府注簿辛禰初為正言時慶尚道都巡
問使曹敏修擊倭于密城斬數十級禰賜衣

酒及馬敏修上箋謝命子粹製回教子粹辭
曰敏修摠一道兵金海大丘之戰怯懦敗沒
多殺士卒密城小捷功不掩罪衣酒廐馬賞
已過矣又何回教且回教錄功績令敏修無
功可紀不敢奉命禍怒下子粹巡衛府命池
齋及大司憲河允源鞠之齋等款坐以違旨
子粹曰先王置諫官所以補君之失也自古
王言有不可諫官諍之願諸公察國家置諫
官之意齋大怒款杖流議于都堂諸相畏之

無敢出言密直副使李寶林曰子粹雖小儒
諫官也且所謂違旨者蓋如置人于東擅移
于西者也子粹之罪恐不得以此論都堂是
其言只請流之禍曰巡衛府已議其罪今復
可輕耶遂不聽右使金續命入白太后曰臣
武人不曉事然文臣皆言諫官雖忤旨不罪
者所以開言路也今子粹罪小不宜重論太
后乃謂禍曰予老經事多未聞杖辱諫官若
爾人皆杜口國事將日非矣於是免杖流于

全羅道突山戍齋等意子粹必與卽舍議又
沅諫議大夫鄭寓于慶尚道竹林戍踰年許
從便給告身久之拜典校副令累遷判司宰
寺事恭讓朝除成均大司成世子左輔德上
書曰伏觀教書以天文示異責已甚切訪亦
直言謹條狂妄之言殿下潛德著聞人心推
戴廓除異姓之禍光復祖宗之業皆奉玄陵
大妃之命而行之其主盟定策之功宗殿下
之所由興三韓之所共賴故卽位之始卽封

王大妃以正位號獻冊寶其盛典也殿下事
之之禮當厚於所生者自去年南幸之時以
至今日其於國大妃之殿親幸非一奉養亦
至獨於王大妃之殿曾不一詣是狃於生育
之恩忽於承祧之重其可乎傳曰為之後者
為之子此古今之大義也王大妃萬世之後
亮陰之禮固所自盡生事之禮其可不盡心
乎願自今歲時伏臘必先詣王大妃殿以奉
寒暄然後詣國大妃殿以明大義近日設封

崇都監以冊王世子臣不能無惑焉殿下未
受宣命而世子先受冊寶之禮其可乎傳曰
子雖齊聖不先父食言先後之序不可亂也
待殿下親朝

帝所受命而後徐議而行未為晚也况今朝
廷使臣來徵良馬萬匹百司疲於奔命當此
之時強欲行封宗之禮恐未合於輿論也唐
韓愈言於憲宗曰自黃帝堯舜至于三代皆
享壽考百姓安樂當此之時未有佛法自漢

永平始有佛法其後亂亡相繼運祚不長宋
齊梁陳元魏以降事佛漸謹年代尤促此非
韓子之臆說考之史冊瞭然可見殿下即位
之始修廣演福寺塔破民家三四十戶今又
大起浮屠屢興土木之役厥令農務方劇而
交州一道斫木輸材人畜盡瘁言不小恤歎
以徼未可必得之冥福以貽現在生靈之實
禍為民父母其可若是乎乞申降明勅以寢
其役以寬民力或者以為役遊手之髡徒無

害也髡徒果枵腹而趨役乎糜費國用莫甚
於此歛怨于民亦莫甚於此殿下即位以來
其於大廟諸陵未聞有修葺營繕之舉而急
於起塔是報本逆遠之誠反不逮於求福利
生之念矣豈非是為聖德之一欠乎昔宋景
有君人之言而熒惑退舍成王惑流言之讒
而雷電以風由是觀之人君一心之得足以
感天心一行之失足以召天變願殿下存心
以居對越上帝雖居幽暗之中常若有臨之

者及其應接之際尤謹其念慮之萌視聽言
動必以禮出入起居罔不敬而其處事不敬
於私欲不流於姑息則此心之敬足以感天
心而消變異幹教化而興邦國矣又何必宗
奉浮屠大起塔廟而後國祚靈長也哉况無
若新羅之作佛事以至於亡神聖垂訓其可
違耶浮屠之說猶不可信况恠誕荒幻之巫
覡乎國中設立巫堂既為不經所謂別祈恩
之處又不下十餘所四時之祭以至無時別

祭一年糜費不可殫記當祭之時雖禁酒之
令方嚴諸巫作隊托稱國行有司莫敢詰焉
故崇飲自若九街之上鼓吹歌舞靡所不為
風俗不美斯為甚矣乞明勅有司除祀典所
載外一禁淫祀痛斷諸巫出入宮掖以絕妖
妄以正風俗近日下教永言甚切然臣嘗見
臺省有言事者遽見天威或奪其見任或黜
之外寄或抑之下官臣恐永言之教雖切而
拒諫之念猶在也乞前日落戒之臣一皆舉

用所言之事一皆施行以勸將來則有志之士孰不為殿下盡言乎成均生負朴礎等亦上疏曰伏惟國家自聖祖創業以來金枝玉葉繼繼承承無墜厥緒者幾五百年于茲矣中遭否運異姓之禍口不忍言惟我殿下以神聖之資應天順人揮除凶豎不勞兵刃誕受厥命克復宗社飛龍之初三韓億兆懽欣拭目想望太平此正復古中興以致雍熙之秋也臣等獲逢明時齒于胄與子徒費廩祿踰

蒙聖恩慨然有志於堯舜君民排斥異端者
有日矣然無路而不得行無位而不得達懷
憤鬱抑竊維私嘆得通上聽一悟聖心雖被
妖言之罪無所悔焉况今殿下發德音下明
旨開廣言路永言如渴臣等安敢嘿嘿以負
平生之志伏惟殿下更加優容不使盛朝有
讜言而受戮者乃國家之幸也臣等竊聞有天
地然後有萬物有萬物然後有男女有男女
然後有夫婦有夫婦然後有父子有父子

然後有君臣有君臣然後有上下有上下然後禮義有所措此天下之達道古今之常經不可須臾離也苟或廢焉者則覆載所不容日月所不照鬼神所共殛天下萬世公論之所共誅也彼佛何人也以世嫡而叛其父絕父子之親以匹夫而抗天子滅君臣之義以男女居室為非道以男耕女織為不義絕生之道塞衣食之源欲以其道思以易天下信如此焉則百年之後人類絕矣天行乎上

地載乎下其所以生育於其間者惟草木禽
獸魚鼈龍蛇而止爾三綱五常之道竟何寓
其於間哉夫佛本夷狄之人與中國言語不
類衣服殊制口不言先王之法言身不服先
王之法服不知夫婦父子君臣之倫僞啓三
途謬張六道遂使愚迷妄永功德不憚科禁
輕犯憲章且生死壽夭由於自然威福刑德
闕之人主貪富貴賤功業所招而愚僧矯詐
皆云由佛竊人主之權擅造化之力塗生民

之耳目溺天下於污濁醉生夢死不自覺也
是以築樓殿宮閣以事之飾土木銅鐵以形
之髡良人男女以居之雖祭之璇宮象廊紂
之瓊宮鹿臺楚之靈臺章華呂政之阿房不加
也是豈不出乎百姓之財力歟嗚呼痛哉其
誰正之必也上之人德修於已教成於下以
明禮義使斯民知天理之所在然後可以正
之矣洪惟我東方自新羅之季奉浮屠之法
至於閭里比其塔廟佛氏之說洋洋乎盈耳

淪於肌膚浹於骨髓未可以義理曉也亦未
可以口舌辨也惟我太祖統三之初深懲積
弊禁後代君臣私立願剝於是太師崔凝請
除佛法太祖以為新羅之李佛氏之說人人
骨髓人人以為死生禍福悉佛所為今三韓
甫一人心未定若遽革佛氏必生駭心乃作
訓曰宜鑑新羅多作佛事以至於亡然則太
祖之垂訓於後世者至深切矣歷代君臣不
能體聖祖之遺意因循苟且營菴立塔無代

無之式至于今其弊滋甚為人心世道計者
可不痛心哉傳曰一夫不耕或受之飢一婦
不蠶或受之寒彼佛氏之徒不耕而飲食充
不蠶而衣裳具安居自養者不知其幾千百
萬由是而凍餓者不知幾何人矣彼雖飲風
吸露巢居野處為國家者所當斥之者也况
坐華屋食精饌遊手而揖君親者其可一日
容於天地之間乎誠不共戴天者也奈何殿
下以英明之資惑於浮屠讖緯之說徙遷于

南以國君之尊親幸檜菴以倡無父無君之
教以成不忠不孝之俗以毀我三綱五常之
典臣等為殿下中興之美惜也且誕降之辰
殿下宜率百官上壽太妃以示殿下中興孝
理之盛德於三韓臣庶也此之不為反遵胡
教區區於拜僧供佛以沮臣庶中興至理之
望可乎至若窮人之力歛人之怨演福塔廟
之役中外嗷嗷士民缺望臣等未知所營之
木鬼輸神轉歟所用之財天降地湧歟欲求

福於冥冥之中反貽患於昭昭之際臣等意
一旦風塵再擾霜雹荐臻沙彌不能操干戈
塔廟不能饜飢饉昔後周壞經像而修甲兵
齊崇塔廟而弛刑政一朝合戰周與齊滅然
則佛氏之不能作禍福於人世者亦可知矣
伏惟殿下法堯舜三代之所以興鑑齊陳梁
蕭之所以亡上繼聖祖之遺意下副吾儒之
素望使彼佛者勒還其鄉人其人以充兵賦
廬其居以增戶口焚其書以求絕其根本所

給之田使軍資主之以贍軍餽所屬奴婢使
都官掌之以分各司各官其銅像銅器屬於
軍器寺以修甲兵其所用器皿屬於禮賓寺
以分各司各官然後教之以禮義養之以道
德不數年間民志定而教化行倉廩實而國
用周然則向之背君父毀人倫逆天理者將
去其舊染之污以發其棄棄之良心知父子
君臣之倫知夫夫婦婦之道男耕女織以生
其生含哺鼓腹以樂其樂致理之豐豈可以肩

三代而軼漢唐矣且今佞臣金璫以不肖之
資無知之見阿意順旨變亂是非欲興無父
無君之教以廢古今聖賢之道以為太祖開
國皆蒙佛力指闕佛者為太祖之罪人太祖
聖德神功順乎天而應乎人心同堯舜行法
湯武三韓之民其畏威也如雷霆其懷德也
如父母雖盡誅境內沙門如元魏盡鑄佛像
為錢如周世宗彼佛者安能使太祖不能成
統合三韓之功乎我國家自庚寅癸巳而上

通儒名士多於中國故唐家以為君子之國
宋朝以為文物禮樂之邦題本國使臣下馬
所曰小中華之館自庚癸之後不死兵亂則
逃入山林通儒名士百無一二存者彼學佛
者始倡邪說上誣群臣下誑愚民乃作太祖
九世之像曰太祖前身某生為某院主某生
作某塔某生造某經至曰某生太祖為某寺
之牛至某生乃得王位上賓之後今為某菩
薩成書開板藏于深山以欺萬世玄陵見之

深加敬信於是內佛堂之法席演福寺之文
殊會講經飯僧至屈千乘之尊拜髡為師親
執弟子之禮至于甲寅未家事佛之福臣等
未知太祖九世像釋迦達摩復主於東方親
見太祖於天堂佛剎而作此像歟太祖前身
為牛為院主之時親見者何僧歟彼之邪說
誣上以太祖為牛此豈聖子神孫之所可開
口者也嗚呼正學不明人心不正不修德而
惟福之是求不知道而惟怪之欲聞豈不痛

我豈不惜哉自孟子闢楊墨尊孔氏以來漢
之董子唐之韓子宋朝之程朱子皆扶斯道
闢異端為天下萬世之君子也王安石張天
覺等興佛教易風俗而為天下萬世之小人
也若董韓程朱之輩安石天覺之徒並生於
今日則殿下用董韓程朱為天下萬世之法
歟用安石天覺倡夷狄禽獸之教歟臣等未
敢知也殿下若遵安石天覺之所好髡三韓
之民棄國棄家弊廢王位入山求佛則納金

璵之言可也若遵董韓程朱之學以正人心
明人倫去民之蠹賊以興堯舜三代之理以
光中興與天無疆之業則彼金璵者當輟諸
都市以示三韓萬世中興大聖人之不惑於
邪說可也殿下以金璵為忠於國家之臣則
禡昌父子絕我太祖列聖三十一代之祀之
時彼璵者能立興復王氏之策乎兼大司成
鄭道傳發揮天人性命之淵源倡鳴孔孟程
朱之道學闢浮屠百代之誑誘開三韓千古

之迷惑斥異端息邪說明天理而正人心吾
東方真儒一人而已是上天授殿下以皋陶
伊傅之佐以興堯舜三代之盛於中興之日
也殿下以道傳闢佛之策為祖宗之罪人歟
金璵奉佛之說為殿下之忠臣歟臣等亦未
敢知也殿下疑道傳之正學信金璵之邪說
則豈不取笑於天下見譏於萬世哉此臣等
所以敢言也為理之本捨正人心何以哉蓋
人心之趨向不正則其本亡矣雖有屑屑於

事為之末皆苟而已未有源未潔而流清者
也亦未有本未固而末茂者也故臣等獨以
闢異端為正人心之本獻焉伏惟殿下萬機
之暇特留宸念舉而行之非特當今之幸抑
亦永有辭于萬世矣若殿下以臣等之言勿
以為迂採而納之臣等更為殿下陳理道之
萬一疏上王大怒初司藝柳伯淳知礎等將
上疏招諸生止之曰天下既廣雖有異端何
害吾道生負尹向日天下安有二道伯淳曰

諸生之志則大矣雖上書王必不聽何補於
治向曰孟子云吾君不能謂之賊吾輩雖不
才安敢背前賢之格言受賊君之名哉伯淳
竟不能禁唯礎向及韓臯許遵金繕李子撰
等十五人上書餘皆不從伯淳又言於知申
事成石璫曰礎等疏請勿上聞礎等知之議
欲不受葉子粹等惡其無禮博士金紹金祖
學正鄭包學錄黃喜等以生負徐復禮不署
名於疏鳴鼓黜之子粹等又怒紹等不告長

官擅黜生負囚紹等家奴召復禮還入學及
子粹赴衙紹等不庭迎子粹上箋辭職略曰
臣斗筲淺量樗櫟微材會忝言官旋竄邊陲
之遠暫為郡守遽懼縲絏之拘每因事而徑
情反招尤而速禍夤緣驟貴超拜大司成榮
幸逾涯又兼左輔德既尸素而曠職宜引退
而避賢况為下官之侵陵能不中心之羞愧
君子貴於見幾小臣安於知止伏望賜以俞
音遂其愚抱不允下紹等于巡軍尋釋之未


幾判典校寺事轉左常侍與同列上疏曰年
前

朝廷所遣宦官十人皆是本國之人乃有僥
倖冒進之徒或依倡妓或縣親戚邀請官爵
殿下一皆申從真差忝設動以百數名器之
濫庶恥之喪一至於此乞付攸司盡奪其職
以儆後來又三司官數至十五署祿牌外無
餘事自今凡中外錢穀出納先報都評議使
司使司移文三司使精核會計量入為出則

庶幾財用有所撙節且無曠官之誦矣王從
之尋拜刑曹判書自此以後入

本朝

列傳卷第三十二



Faint, illegible text, possibly bleed-through from the reverse side of the page.




列傳卷第三十二




美心子

Handwritten text in cursive script (草书) on a woven paper background. The text is arranged in vertical columns, reading from right to left. The characters are dark and expressive, with varying line thicknesses and some ink bleed-through from the reverse side of the page. The background has a distinct diamond-shaped woven pattern.

何可





10

11

12

13

五九